

Z126.1  
1  
10

尚書注疏

目錄

尚書正義序

尚書序

尚書原目

尚書注解傳述人

卷一

虞書

堯典

卷二

虞書

舜典

卷三

虞書

大禹謨  
皋陶謨

卷四

虞書

益稷

卷五

夏書

禹貢

卷六

夏書

甘誓  
胤征

五子之歌

卷七

商書

湯誓  
太甲上

仲虺之誥

太甲中

湯  
太

卷八

商書

盤庚上  
盤庚下

盤庚中

卷九

商書

說命上 說命中 說命下  
高宗彤日 西伯戡黎 微子

卷十

周書

泰誓上 泰誓中 泰誓下  
牧誓 武成

卷十一

周書

洪範

卷十二

周書

旅 葵 金縢  
大誥 微子之命

卷十三

周書

康誥 酒誥  
梓材

卷十四

周書

召誥  
洛誥

卷十五

周書

多士  
君奭

無逸

卷十六

周書

蔡仲之命  
多方  
立政

卷十七

周書

周官  
君陳  
顧命

卷十八

周書

康王之誥  
畢命  
君牙  
呂刑  
冏命

卷十九

周書

文侯之命

費誓

秦誓

尚書注疏原目

虞書

**音義**

凡十六篇。十一篇。亡。五篇見存。

堯典第一

**疏**

古文尚書堯典第一。○正義曰。檢古本并石經。直言堯典第一。無古文尚書。以

孔君從隸古。仍號古文。故後人因而題於此。以別伏生所出。大小夏侯及歐陽所傳。為今文故也。堯典第一一篇之名。當與眾篇相次第。訓為次也。於次第之內而處一。故曰堯典第一。以此第一者。以五帝之末。接三王之初。典策既備。因機成務。交代揖讓。以垂無為。故為第一也。然書者。理由舜史。勒成一家。可以為法。上取堯事。下終禪禹。以至舜終。皆為舜史所錄。其堯舜之典。多陳行事之狀。其言寡矣。禹貢即全非君言。準之後代。不應入書。此其一體之異。以此禹之身事於禪後。無入夏書之理。自甘誓已下。皆多言辭。則古史所書。於是乎始知五子之歌。亦非上言。典書草創。以義而錄。但致言有本。各隨其事。檢其此體。為例有十。一曰典。二曰謨。三曰貢。四曰歌。五曰誓。六曰誥。七曰訓。八曰命。九曰征。十曰範。堯典舜典二篇。典也。大

禹謨。臯陶謨。二篇。謨也。禹貢一篇。貢也。五子之歌一篇。歌也。甘誓。泰誓。三篇。湯誓。牧誓。費誓。秦誓。八篇。誓也。仲虺之誥。湯誥。大誥。康誥。酒誥。召誥。洛誥。康王之誥。八篇。誥也。伊訓一篇。訓也。說命三篇。微子之命。蔡仲之命。顧命。畢命。冏命。文侯之命。九篇。命也。胤征一篇。征也。洪範一篇。範也。此各隨事而言。益稷亦謨也。因其人稱言以別之。其太甲咸有一德。伊尹訓道王。亦訓之類。盤庚亦誥也。故王肅云。不言誥何也。取其徙而立功。非但錄其誥。高宗彤日。與訓序連文。亦訓辭可知也。西伯戡黎。云祖伊恐奔告于受。亦誥也。武成。云識其政事。亦誥也。旅獒。戒王。亦訓也。金縢。自爲一體。祝亦誥辭也。梓材。酒誥分出。亦誥也。多士。以王命誥。自然誥也。無逸。戒王。亦訓也。君奭。周公誥召公。亦誥也。多方。周官上誥於下。亦誥也。君陳。君牙。與畢公之類。亦命也。呂刑。陳刑告王。亦誥也。書篇之名。因事而立。旣無體例。隨便爲文。其百篇次第。於序孔鄭不同。孔以湯誓在夏社前。於百篇爲第二十六。鄭以爲在臣扈後第二十九。孔以咸有一德。次太甲後第四十。鄭以爲在湯誥後第三十一。孔以蔡仲之命。次君奭後第八十三。鄭以爲在費誓前第九十六。孔以



周官在立政後第八十八。鄭以爲在立政前第八十六。孔以費誓在文侯之命後第九十九。鄭以爲在呂刑前第九十七。不同者。孔依壁內篇次及序爲文。鄭依賈氏所奏別錄爲次。孔未入學官。以此不同。考論次第。孔虞書疏正義曰。堯典雖曰唐事。本以虞史所義是也。錄末言舜登庸由堯。故追堯作典。非唐史所錄。故謂之虞書也。鄭立云。舜之美事在於堯時是也。案馬融鄭立王肅別錄題皆曰虞夏書。以虞夏同科。雖虞事亦連夏。此直言虞書。本無夏書之題也。案鄭序以爲虞夏書二十篇。商書四十篇。周書四十一篇。贊云。三科之條。五家之教。是虞夏同科也。其孔於禹貢註云。禹之王以是功。故爲夏書之首。則禹夏別題也。以上爲虞書。則十六篇。又帝告釐沃湯征汝鳩。汝方。於鄭立爲商書。而孔并於胤征之下。或以爲夏事。猶西伯戡黎。則夏書九篇。商書三十五篇。此與鄭異也。或孔因帝告以下五篇亡。并註於夏書。不廢猶商書乎。別文所引。皆云虞書曰。夏書曰。無并言虞夏書者。又伏生雖有一虞夏傳。以外亦有虞傳夏傳。此其所以宜別也。此孔依虞夏各別而存之。莊八年左傳引夏書曰。臯陶邁種德。偕二十四年左傳引夏

書曰。地平天成。二十七年引夏書賦納以言。襄二十六年引夏書曰。與其殺不辜。寧失不經。皆在大禹謨。臯陶謨。當云虞書。而云夏書者。以事關禹。故引爲夏書。若洪範以爲周書。以箕子至周。商人所陳。而傳引之。卽曰商書也。案壁內所得。孔爲傳者。凡五十八篇。爲四十六卷。三十三篇與鄭注同。二十五篇增多。鄭注也。其二十五篇者。大禹謨一。五子之歌二。胤征三。仲虺之誥四。湯誥五。伊訓六。太甲三篇九。咸有一德十。說命三篇十三。泰誓三篇十六。武成十七。旅獒十八。微子之命十九。蔡仲之命二十。周官二十一。君陳二十二。畢命二十三。君牙二十四。冏命二十五。但孔君所傳。值巫蠱不行。以終前漢諸儒。知孔本有五十。八篇。不見孔傳。遂有張霸之徒。於鄭注之外。僞造尚書。凡二十四篇。以足鄭注三十四篇。爲五十八篇。其數雖與孔同。其篇有異。孔則於伏生所傳二十九篇內。無古文泰誓。除序尚二十八篇。分出舜典。益稷。盤庚二篇。康王之誥。爲三十三。增二十五篇。爲五十八篇。鄭立則於伏生二十九篇之內。分出盤庚二篇。康王之誥。又泰誓三篇。爲三十四篇。更增益僞書二十四篇。爲五十八。所增益二十四篇者。則鄭注書序舜

典一。汨作二。九共九篇十一。大禹謨十二。益稷十三。五子之歌十四。胤征十五。湯誥十六。咸有一德十七。典寶十八。伊訓十九。肆命二十。原命二十一。武成二十二。旅獒二十三。罔命二十四。以此二十四爲十六卷。以九共九篇共卷。除八篇。故爲十六。故藝文志劉向別錄云。五十八篇。藝文志又云。孔安國者。孔子後也。悉得其書。以古文又多十六篇。篇卽卷也。卽是僞書二十四篇也。劉向作別錄。班固作藝文志。並云此言不見孔傳也。劉歆作三統歷論。武王伐紂。引今文泰誓云。西午逮師。又引武成。越若來。三月五日甲子。咸劉商王受。並不與孔同。亦不見孔傳也。後漢初賈逵奏尚書疏云。流爲烏。是與孔亦異也。馬融書序云。經傳所引泰誓。泰誓並無此文。又云。逸十六篇。絕無師說。是融亦不見也。服虔杜預注左傳。亂其紀綱。並云。夏桀時。服虔杜預皆不見也。鄭玄亦不見之。故注書序。舜典云。入麓伐木。注五子之歌云。避亂於洛汭。注胤征云。胤征。臣名。又注禹貢。引胤征云。厥篚玄黃。昭我周王。又注咸有一德云。伊陟。臣扈曰。又注典寶。引伊訓云。載孚在亭。又曰。征是三臆。又注旅獒云。獒讀曰豪。謂是會豪之長。又古文有仲虺之誥。太甲說。

命等。見在而云亡。其汨作典寶之等一十三篇見亡而云已逸。是不見古文也。案伏生所傳三十四篇者。謂之今文。則夏侯勝。夏侯建。歐陽和伯等三家所傳。及後漢末蔡邕所勒石經是也。孔所傳者。膠東庸生。劉歆。賈逵。馬融等所傳是也。鄭玄書贊云。我先師棘子下生。安國亦好此學。衛賈馬二三君子之業。則雅才好博。既宣之矣。又云。歐陽氏失其本義。今疾此蔽。冒。猶復疑惑未俊。是鄭意師祖孔學。傳授膠東庸生。劉歆。賈逵。馬融等學。而賤夏侯。歐陽等何意。鄭注尚書亡逸。並與孔異。篇數並與三家同。又劉歆。賈逵。馬融之等。並傳孔學。云十六篇逸。與安國不同者。良由孔注之後。其書散逸。傳注不行。以庸生。賈馬之等。惟傳孔學。經文三十三篇。故鄭與三家同。以為古文。而鄭承其後。所注皆同。賈逵。馬融之學。題曰古文。尚書篇與夏侯等同。而經字多異。夏侯等書宅。岨夷為宅。岨。鐵。昧。谷。曰。柳。谷。心。腹。腎。腸。曰。優。賢。揚。剗。則。剗。剗。云。臚。宮。剗。割。頭。庶。剗。是。鄭。注。不。同。也。三。家。之。學。傳。孔。業。者。漢。書。儒。林。傳。云。安。國。傳。都。尉。朝。子。俊。俊。傳。膠。東。庸。生。生。傳。清。河。胡。常。常。傳。徐。敖。敖。傳。王。璜。璜。及。塗。暉。暉。傳。河。南。桑。欽。至。後。漢。初。衛。賈。馬。亦。傳。孔。學。故。書。贊。云。自

世祖興後漢衛賈馬二三君子之業是也。所得傳者三十三篇。古經亦無其五十八篇。及傳說絕無傳者。至晉世王肅注書。始似竊見孔傳。故注亂其紀綱。爲夏太康時。又晉書皇甫謐傳云。姑子外弟梁柳。邊得古文尚書。故作帝王世紀。往往載孔傳五十八篇之書。晉書又云。晉太保公鄭冲。以古文授扶風蘇愉。愉字休預。預授天水梁柳。字洪季。卽謐之外弟也。季授城陽臧曹。字彥始。始授郡守子汝南梅賾。字仲真。又爲豫章內史。遂於前晉奏上其書而施行焉。時已亡失。舜典一篇。晉末范甯爲解時。已不得焉。至齊蕭鸞建武四年。姚方興於大航頭得而獻之。議者以爲孔安國之所注也。值方興有罪。事亦隨寢。至隋開皇二年。購募遺典。乃得其篇焉。然孔注之後。歷及後漢之末。無人傳說。至晉之初。猶得存者。雖不列學官。散在民間。事雖久。孔氏傳傳卽注也。以傳述爲疏正義曰。遠。故得猶存。孔氏傳義舊說漢已前稱傳以注者多門。故云某氏。以別衆家。或當時自題孔氏。亦可以後人辨之。

# 舜典第二

## 首義

王氏注相承云。梅頤上孔氏傳古文尚書亡。舜典一篇。時以王肅注頗類

同治十年重刊

孔氏故取王注。從謹徵五典以下爲舜典。以續孔傳。徐仙民亦音此本。今依舊音之。

大禹謨第三

**音義**

徐云。本虞書總爲一卷。凡十一卷。今依七志七錄爲十卷。

皋陶謨第四

益稷第五

夏書

禹貢第一

甘誓第二

五子之歌第三

胤征第四

商書

**音義**

凡三十四篇。十七篇存。

湯誓第一

仲虺之誥第二

湯誥第三

伊訓第四

太甲上第五

太甲中第六

太甲下第七

咸有一德第八

盤庚上第九

盤庚中第十

盤庚下第十一

說命上第十二

說命中第十三

說命下第十四

高宗彤日第十五

西伯戡黎第十六

微子第十七

周書

泰誓上第一

泰誓中第二



泰誓下第三

牧誓第四

武成第五

洪範第六

旅獒第七

金縢第八

大誥第九

微子之命第十

康誥第十一

酒誥第十二

梓材第十三

召誥第十四

洛誥第十五

多士第十六

無逸第十七

君奭第十八

蔡仲之命第十九

多方第二十

立政第二十一

周官第二十二

君陳第二十三

顧命第二十四

康王之誥第二十五

畢命第二十六

君牙第二十七

冏命第二十八

呂刑第二十九

文侯之命第三十

費誓第三十一

秦誓第三十二

尚書注疏卷五

漢孔氏傳

唐陸德明音義

孔穎達疏

夏書

禹貢

**序**禹別九州。**傳**分其圻界。隨山濬川。**傳**刊其木。深其

流。任土作貢。**傳**任其土地所有。定其貢賦之差。此堯

時事。而在夏書之首。禹之王以是功。**音義**別。彼列反。

職錄云。黃帝受命。風后受圖。割地布九州。鄒子云。中國為赤縣。內有九州。春秋說題辭云。州之言殊也。圻

其依反。濬。思俊反。刊。苦安反。任。而鳩反。貢。字或作贛。王。于況反。**疏**正義曰。禹分別九

州之山。刊除其木。深大其川。使得注海。水害既除。地復

本性。任其土地所有。定其貢賦之差。史錄其事。以為

禹貢之篇。**傳**正義曰。詩傳云。圻。疆也。分其疆界。使有

水。萬事改新。此爲作貢生文。故言禹別耳。經言隨山刊木。序以較略爲文。直言隨山。不云隨山爲何事。故傳明之。隨山。刊其木也。濬川。深其流也。隨山本爲濬川。故連言之。九州之土。物產各異。在其土地所有。以定貢賦之差。旣任其所有。亦因其肥瘠多少不同。制爲差品。鄭立云。任土。謂定其肥瘠之所生。是言用肥瘠多少爲差也。賦者。自上稅下之名。謂治田出穀。故經定其差等。謂之厥賦。貢者。從下獻上之稱。謂以所出之穀。市其土地所生異物。獻其所有。謂之厥貢。雖以所賦之物爲貢用。賦物不盡有也。亦有全不用賦物。直隨地所有。採取以爲貢者。此之所貢。卽與周禮大宰九貢不殊。但周禮分之爲九耳。其賦與周禮九賦全異。彼賦謂口率出錢。不言作賦。而云作貢者。取下供上之義也。諸序皆言作某篇。此序不言作禹貢者。以發首言禹。句未言貢。篇名足以顯矣。百篇之序。此類有三。微子作誥。父師少師。不言作微子。仲虺作誥。不言作仲虺之誥。與此篇皆爲理足而略之也。又解篇在此之意。此治水是堯未時事。而在夏書之首。禹之得王天下。以是治水之功。故以爲夏書之首。此篇史述時事。非是應對言語。當是水土旣治。史卽錄

此篇其初必在虞書之內。蓋夏史抽入夏書。或仲尼始退其第。事不可知也。

**禹貢傳** 禹制九州貢法。

**疏**

正義曰。此篇史述爲文。發首奠高山大川。言禹

治九州之水。水害旣除。定山川次秩。與諸州爲引序。自導岍至嶓冢。條說所治之山。言其首尾相及也。自導弱水至導洛。條說所治之水。言其發源注海也。自九州攸同至成賦中邦。總言水土旣平。貢賦得常之事也。錫土姓三句。論天子於土地布行德教之事也。自五百里甸服至二百里流。總言四海之內。量其遠近。分爲五服之事也。自東漸于海以下。總結禹功成受錫之事也。**傳**正義曰。禹制貢法。故以禹貢名篇。貢賦之法。其來久矣。治水之後。更復改新。言此篇貢法是禹所制。非禹始爲貢也。

禹敷土。隨山刊木。

**傳**

洪水汎溢。禹分布治九州之土。隨

行山林。斬木通道。奠高山大川。

**傳**

奠定也。高山。五岳。大

川。四瀆。定其差秩。祀禮所視。

**音義**

敷。芳無反。馬云。分也。汎。敷劔反。行。下孟反。

奠田。遍反。瀆音獨。下同。

**疏**

正義曰。言禹分布治此九州之土。其治之也。隨行所至之山。除木通道。決流其

水。水土既平。乃定其高山大川。謂定其次秩尊卑。使知祀禮所視。言禹治其山川使復常也。**傳**正義曰。詩傳云。汎汎流也。汎是水流之貌。洪水流而汎溢。漫壞民居。故禹分布治之。知者。文十八年左傳云。舉八凱使主后土。則伯益之輩。佐禹多矣。禹必身行九州。規謀設法。乃使佐己之人。分布治之。於時平地盡為流潦。鮮有陸行之路。故將欲治水。隨行山林。斬木通道。鄭云。必隨州中之山而登之。除木為道。以望觀所當治者。則規其形而度其功焉。是言禹登山之意也。孟子曰。禹三過門不入。其家門猶三過之。則其餘所歷多矣。來而復往。非止一處。故言分布治之。禮定器於地。通名為奠。是奠為定也。山之高者。莫高於岳。川之大者。莫大於瀆。故言高山五岳。謂嵩岱衡華恒也。大川四瀆。謂江河淮濟也。此舉高大為言。卑小亦定之矣。舜典云。望秩於山川。故言定其差秩。定其大小次敘也。定其祀禮所視。謂王制所云五岳視三公。四瀆視諸侯。其餘視伯子男。往者洪水滔天。山則為水所包。川則水皆汎溢。祭祀禮廢。今始定之。以見水土平。復舊制也。經云。荆岐既旅。蔡蒙旅平。九山刊旅。

是次秩既定。故旅祭之。

冀州既載

**傳**

堯所都也。先施貢賦役載於書。

**音義**

冀居器反。

九州名。義見爾雅音。載如字。載載於書也。馬同。鄭韋昭云。載事也。

**疏**

正義曰。九州之次。以治爲先後。以水性下流。當從下而泄。故治水皆從下爲始。冀州帝都。於九州近北。故首從冀起。而東南次兗。而東南次青。而南

次徐。而南次揚。從揚而西次荆。從荆而北次豫。從豫而西次梁。從梁而北次雍。雍地最高。故在後也。自兗已下。皆準地之形勢。從下向高。從東向西。青徐揚三州。竝爲東偏。雍州高於豫州。豫州高於青徐。雍豫之水。從青徐而入海也。梁高於荆。荆高於揚。梁荆之水。從揚而入海也。兗州在冀州東南。冀兗二州之水。各自東北入海也。冀州之水。不經兗州。以冀是帝都。河爲大患。故先從冀起。而次治兗。若使冀州之水。東入兗州。水無去處。治之無益。雖是帝都。不得先也。此經大體。每州之始。先言山川。後言平地。青州梁州。先山後川。徐州雍州。先川後山。兗揚荆豫。有川無山。揚豫不言平地。冀州田賦之下。始言恒衛既從。史以大略爲文。不爲例也。每州之下。言水



路相通。通向帝都之道。言禹每州事了。入朝以白帝也。**傳**正義曰。史傳皆云堯都平陽。五子之歌曰。惟彼陶唐。有此冀方。是冀州堯所都也。諸州冀為其先。治水先從冀起。為諸州之首。記其役功之法。既載者言先施貢賦。役載於書也。謂計人多少。賦功配役。載於書籍。然後徵而用之。以治水也。冀州如此。則餘州亦然。故於此特記之也。王肅云。言已賦功屬役。載於書籍。傳意當然。鄭云。載之言事。事謂作徒役也。禹知所當治水。又知用徒之數。則書於策。以告帝。徵役而治之。**傳**壺口。治梁及岐。**傳**壺

口在冀州。梁岐在雍州。從東循山治水而西。**音義**壺音胡馬

云。壺口。山名。治如字。岐其**疏**正義曰。史記稱高祖入宜反。雍於用反。後州名同。**傳**咸陽蕭何先收圖籍。則秦

焚詩書。圖籍皆在。孔君去漢初七八十年耳。身為武帝博士。必當具見圖籍。其山川所在。必是驗實而知。壺口

在冀州。梁岐在雍州。當時疆界為然也。此於冀州之分。言及雍州之山者。從東循山治水而西故也。鄭云於此

言治梁及岐者。蓋治水從下起。以襄水害易也。班固作漢書地理志。據前漢郡縣言山川所在。志云壺口在河

東北屈縣東南應劭云已有南屈故稱北屈梁山在左馮翊夏陽縣西北岐山在右扶風美陽縣西北然則壺口西至梁山梁山西至岐山從東而向西言之也經於壺口之下言治者孔意蓋云欲見上下皆治也既

修大原至于岳陽傳高平曰大原今以為郡名岳大岳

在大原西南山南曰陽音義岳字又作嶽大岳山名陽

疏傳正義曰太原原之大者漢書以為郡名傳欲省文故云高平曰太原今以為郡名即晉陽縣是也釋地

云廣平曰原高平曰陸孔以太原地高故言高平其地高而廣也下文導山云壺口雷首至于太岳知此岳即

太岳也屬河東郡在太原西南也地理志河東彘縣東有霍太山此彘縣周厲王所奔順帝改為永安縣周禮

職方氏冀州其山鎮曰霍山即此太岳是也山南見曰故山南曰陽此說循理平地言從太原至岳山之南故

云岳傳覃懷底績至于衡漳傳覃懷近河地名漳水橫流

入河從覃懷致功至橫漳音義覃徒南反底之履反衡

如字橫也馬云水名漳

乾隆四年校刊

音章近附

**疏傳**

正義曰地理十北蓋覃懷二字

衡即古橫字漳水橫流入河

餘里從覃懷致功而北至橫漳

上黨沾縣大黽谷東北至渤海

千六百八十里此沾縣因水色

志又云濁漳水出長子縣東不

玄亦云橫漳漳水橫流王肅二

**白壤傳**無塊曰壤水去土復甘

馬云天性和美也塊苦對反

**疏傳**正義曰土與無塊曰壤此土本色為然

水十州色黃而壤豫州直言壤不言一色故不厥賦惟土上錯


**傳**得言色也

上上第一錯雜雜出第二之賦

上下相錯通率

**疏傳**正義曰川第一供音恭土作貢又賦

爲災民皆墊溺九州賦稅蓋亦不行水災旣除土復本性以作貢賦之差故云賦謂土地所生以供天子謂稅穀以供天子鄭玄云此州入穀不貢是也因九州差爲九等上上是第一也交錯是間雜之義故錯爲雜也顧氏云上上之下卽次上中故云雜出第二之賦也孟子稱稅什一爲正輕之於堯舜爲大貊小貊重之於堯舜爲大桀小桀則此時亦什一稅俱什一而得爲九等差者人功有強弱收穫有多少傳以荊州田第八賦第三爲人功修也雍州田第一賦第六爲人功少也是據人功多少總計以定差此州以上上爲正而雜爲次等言出上上時多而上中時少也多者爲正少者爲雜故云第一此州言上上錯者少在正下故先言上上而後言錯豫州言錯上中者少在正上故先言錯而後言上中揚州云下上上錯不言錯下上者以本設九等分三品爲之上中下下上本是異品故變文言下上上錯也梁州云下中三錯者梁州之賦凡有三等其出下中時多故以下中爲正上有下上下下有三等雜出故言三錯足明雜有下上下下可知也此九等所較無多諸州相準爲等級耳此計大率所得非上科定也但治水據田責其什一隨土豐瘠是上之任土而下所獻自有差



之地已可耕作。

**音義**

從才容反。

**疏傳**

正義曰：二水汎溢漫流，已治從其故道，故今已可

耕作也。青州濰淄其道，與此恒衛既從，同是從故道也。荆州雲土，夢作又與此大陸既作，同是水治可耕作也。其文不同，史異辭耳，無義例也。壺口與雍州之山連文，故傳言壺口在冀州，此無所嫌，故不言在冀州。以下皆如此也。地理志云：恒水出常山上曲陽縣，東入滹沱水。衛水出常山靈壽縣，東北入滹沱。大陸在鉅鹿縣北，釋地十藪云：晉有大陸，孫炎等皆云：今鉅鹿縣北廣河澤也。郭璞云：廣河猶大陸。以地名言之，近為是也。春秋魏獻子畋于大陸，焚焉，還卒于甯。杜氏春秋說云：嫌鉅鹿絕遠，以為汲郡修武縣吳澤也。甯即修武也。然此二澤相去甚遠，所以得為大陸者，以爾雅廣平曰陸，但廣而平者，則名大陸。故異所而同名焉。然此二澤地形卑下，得以廣平為陸者，澤雖卑下，旁帶廣平之地，故**島夷皮服**，統名焉。故大陸澤名，廣河以旁近大陸故也。

**傳**

海曲謂之島，居島之夷，還服其皮，明水害除。

**音義**

島當

老反。馬云：島夷，北夷國。

**疏傳**

正義曰：孔讀鳥為島，鳥是海中之山。九章算術所云海鳥邈絕，不可踐量，是

也。傳云。海曲。細  
之夷。常衣鳥獸  
皮服。以明水。生  
鳥獸者也。王肅

碣石入于河。

石

逆上。此州帝切。

田亦殊於餘州。

其列反。韋昭甘

上。時掌反。篚。古

山也。鄭云。戰國

碣石與此名同。

傳云。入於渤海。

碣石五百餘里。

得入於河也。若

迴入河而逆上。

石山西。南行入

山西。曰右。鄭云。

從山東南南行入河。鄭以北行則東爲右，南行西爲右。故夾山兩旁，山常居右，與孔異也。梁州傳云：浮東渡河而還，帝都白所治也。則入河逆上，爲還都白所治也。禹之治水，必每州巡行，度其形勢，計其入功，施設規模，指授方略，令人分布，竝作還都白帝所治。於時帝都近河，故於每州之下，皆言浮水達河。記禹還都之道也。冀兗徐荊豫梁雍州各自言河，惟青揚二州不言河耳。兗州云：浮于濟，潔達于河。故青州直云達于濟，徐州云浮于淮，泗達于河。故揚州云達于淮，泗皆記禹入河之道也。王肅云：凡每州之下，說諸治水者，禹功主於治水，故詳記其所治之州，往還所乘涉之水名。肅惟不言還都白帝，亦謂爲治水，故浮水也。鄭立以爲治水，旣畢，更復行之。觀地肥瘠，定貢賦上下，其意與孔異也。八州皆言境界，而此獨無，故解之。此州帝都不說境界，以餘州所至則可知也。兗州云：濟河自東河以東也。豫州云：荆河自南河以南也。雍州云：西河自西河以西也。明東河之西，西河之東，南河之北，是冀州之境也。馬鄭皆云：冀州不書其界者，時帝都之使若廣大然。文旣局以州名，復何以見其廣大，是妄說也。又解餘州先田後賦，此州先賦後田，亦如境界殊於餘州也。言殊者，當爲田賦以收穫爲



差。田以肥瘠為等。若田在賦上，則賦宜從田。田美則宜賦重。無以見人功修否。故令賦先於田也。以見賦由人功。此州既見此理，餘州從而可知。皆令賦在田下。欲見賦從田出，為此故殊於餘州也。鄭立云：此州入穀不貢。下云五百里甸服。傳云為天子服治田，是田入穀。故不獻貢。篚，差異於餘州也。甸服止方千里，冀之北上境界甚遙，遠都之國，必有貢篚。舉大略而言也。

### 濟河惟兗州

**傳**

東南據濟西北距河

**音義**

濟子禮反。下同。兗悅轉反。

**疏**

正義曰：此下八州發首言山川，皆謂境界所及也。據謂跨之距至也。濟河之間相去路近。兗州之境跨濟而過，東南越濟水，西北至東河也。李巡注爾雅解州名云：兩河間其氣清，性相近。故曰冀。冀近也。濟河間其氣專質，性信謙，故云兗。兗，信也。淮海間其氣寬舒，稟性安徐，故曰徐。徐，舒也。江南其氣燥勁，厥性輕揚，故曰揚。揚，輕也。荆州其氣燥剛，稟性疆梁，故曰荆。荆，疆也。河南其氣著密，厥性安舒，故曰豫。豫，舒也。河西其氣蔽壅，受性急凶，故云雍。雍，壅也。爾雅九州無梁，青故李巡不釋，所言未必得其本也。

九河既道 **傳** 河

水分爲九道。在此州界平原以北是。**音義**九河。徒駭一。

三。覆釜四。胡蘇五。簡六。絜七。鈎盤八。鬲津九。出爾雅。**音義**正義曰。河自大陸北。敷

九河亦在冀州。故云在此州界也。河從大陸東畔北行。

而東北入海。冀州之東境。至河之西畔。水分大河東爲

九道。故知在兗州界平原以北是也。釋水。載九河之名

云。徒駭。太史馬頰。覆釜。胡蘇。簡。絜。鈎盤。鬲津。李巡曰。徒

駭。禹疏九河。以徒衆起。故云徒駭。太史。禹大使徒衆。通

其水道。故曰太史馬頰。河勢上廣下狹。狀如馬頰也。覆

釜。水中多渚。往往而處。形如覆釜。胡蘇。其水下流。故曰

胡蘇。胡下也。蘇。流也。簡。大也。河水深而大也。絜。言河水

多山石。治之苦絜。絜。苦也。鈎盤。言河水曲如鈎。屈折如

盤也。鬲津。河水狹小。可鬲以爲津也。孫炎曰。徒駭。禹疏

九河。用功雖廣。衆懼不成。故曰徒駭。胡蘇。水流多散。胡

蘇然。其餘同李巡。郭璞云。徒駭。今在成平東光縣。今有

胡蘇亭。覆釜之名。同李巡。餘名皆云。其義未詳。計禹陳

九河。云復其故道。則名應先有。不宜徒駭。太史因禹立

名。此郭氏所以未詳也。或九河雖舊有名。至禹治水。更

別立名。卽爾雅所云是也。漢書溝洫志。成帝時。河隄都

乾隆四年校刊

禹貢

尉許商上書曰。古記九河之名。有徒駭。胡蘇。鬲津。今見在成平東光鬲縣界中。自鬲津以北至徒駭。其間相去二百餘里。是知九河所在。徒駭最北。鬲津最南。蓋徒駭是河之本道。東出分為八枝也。許商上言三河。下言三縣。則徒駭在成平。胡蘇在東光。鬲津在鬲縣。其餘不復知也。爾雅九河之次。從北而南。既知三河之處。則其餘六者。太史馬頰覆釜。在東光之北。成平之南。簡絜鈎盤。在東光之南。鬲縣之北也。其河填塞。時有故道。鄭玄云。周時齊桓公塞之。同為一河。今河間弓高以東。至平原鬲津。往往有其遺處。春秋緯寶乾圖云。移河為界。在齊呂填闕。八流以自廣。鄭玄蓋據此文。為齊桓公塞之也。言闕八流拓境。則塞其東流八枝。并使歸於徒駭也。

**雷夏既澤。澠沮會同。****傳**雷夏澤名。澠沮二水會同。此澤

**音義**澠。徐音邕。王於用反。沮。七餘反。**疏**傳正義曰。洪水之時。高原亦水。澤不為澤。雷夏既澤。高地水盡。

此復為澤也。於澤之下。言澠沮會同。謂二水會合而

同入此澤也。地理志云。雷澤在濟陰城陽縣西北。**桑**土既蠶。是降丘宅土。**傳**地高曰丘。大水去。民下丘居平

土。就桑蠶。

**音義**

蠶在

**疏**

正義曰。宜桑之土。既得桑養蠶矣。洪水之時。民居丘上。於是得

下丘陵。居平土矣。**傳**正義曰。釋丘云。非人為之丘。孫炎曰。地性自然也。是地高曰丘也。降丘宅土。與既蠶連文。知下丘居平土就桑蠶也。計下丘居土。諸處皆然。獨於此州言之者。鄭立云。此州寡於山。而夾川兩大流之間。遭洪水。其民尤困。水害既除。於是下丘居士以其免於厄。尤喜。故記之。**厥土黑墳****傳**色黑

而墳起。厥草惟繇。厥木惟條。

**傳**

繇。茂。條。長也。

**音義**

墳。扶粉反。

後同。韋昭音勃憤反。起也。馬云。有膏肥也。繇音遙。馬云。抽也。

**傳**

正義曰。繇是茂之貌。條是長之體。言草

茂而木長也。九州惟此州與徐揚三州言草木者。三州偏宜之也。宜草木。則地美矣。而田非上者。為土下濕故也。

厥田惟中下。

**傳**

田第六。厥賦貞。

**傳**

貞。正也。州第九。賦

正與九相當。

**疏**

正義曰。周易彖象。皆以貞為正也。諸

治水最在後畢。州為第九成功。其賦亦為第九。列賦作於九州之差。與第九州相當。故變文為貞。見此意也。

十有三載乃同。傳治水十三年。乃有賦法。與他州同。

**義** 載馬鄭。疏傳正義曰。作者役功作務。謂治水也。治水本傳年。疏傳十三年。乃有賦法。始得貢賦。與他州同也。

他州十二年。此州十三年。比於他州。最在後也。堯典言。三載功成。堯卽禪舜。此言十三載者。并三載數之。祭法云。禹能修鯀之功。明鯀已加功而禹因之也。此言十三載者。記其治水之年。言其水害除耳。非言十三年內。皆是禹之治水施功也。馬融曰。禹治水三年。八州平。故堯以爲功。而禪舜。是十二年。而八州平。十厥貢漆絲。厥三年。而兖州平。兖州平。在舜受終之年也。厥貢漆絲。厥

筐織文。傳地宜漆林。又宜桑蠶。織文。錦綺之屬。盛之筐

筐而貢焉。漆音七。盛音成。疏傳正義曰。任土作貢。此州貢盛。漆。知地宜漆休也。周禮載師

云。漆林之征。故以漆林言之。綺。是織。繒之有文者。是綾。錦之別名。故云。錦綺之屬。皆是織。而有文者也。筐。是入貢之時。盛在於筐。故云。盛之筐。筐而貢焉。鄭立云。貢者。百功之府。受而藏之。其實於筐者。入於女功。故以貢筐

別之。歷檢篚之所盛。皆供衣服之用。入於女功。如鄭言矣。麋絲中琴瑟之弦。亦是女功所爲也。織貝。鄭玄以爲織如貝文。傳謂織爲細紵。貝爲水物。則貝非服飾所須。蓋恐其損缺。故以篚篚盛之也。諸州無厥篚者。其諸州無入篚之物。故不貢也。漢世陳留襄邑縣置服官。使制作衣服。是兗州綾錦美也。

浮于濟。潔達

于河。

**傳**

順流曰浮。濟。潔。兩水名。因水入水曰達。

**音義**

天潔

答反。篇韻。縣。正義曰。地理志云。潔水出東郡東武陽。作他合反。縣。至樂安。干乘縣入海。過郡三。行千二十里。其濟則下文具矣。是濟。潔。爲二水名也。言因水入水曰達。當謂從水入水。不須舍舟而陸行也。揚州云。沿于江海。達于淮。泗。傳云。沿江入海。自海入淮。自淮入泗。是言水路相通。得乘舟徑達也。案青州云。浮于汶。達于濟。經言濟會于汶。浮汶得達濟也。此云浮于濟。潔。達于河。從潔入濟。自濟入河。徐州云。浮于淮。泗。達于河。蓋以徐州北接青州。既浮淮。泗。當浮汶入濟。以達于河也。

海岱惟青州。

**傳**

東北據海。西南距岱。

**音義**

岱。音代。泰山也。

**疏**

傳



貢鹽絺。海物惟錯。**傳**絺。細葛。錯。雜。非一種。岱畎。絲。臬。鉛。

松怪石。**傳**畎。谷也。怪。異。好石似玉者。岱山之谷。出此五

物。皆貢之。**音義**鹽。餘占反。絺。勅其反。種。章勇反。畎。工犬

從谷。谷。音以。選反。怪。怪。徐本作畎。谷。臬。思似反。鉛。寅專反。字

如字。怪石。砮。砮之屬。**傳**正義曰。谷。釋水云。水注川曰谿

之道。畎。谷。畎。去水。故言谷也。怪石。奇怪之石。故云好石

似玉也。臬。麻也。鉛。錫也。岱山之谷。有此五物。美於他方

所有。故萊夷作牧。**傳**萊夷地名。可以放牧。厥筐。壓絲。**傳**


壓。桑。蠶。絲。中琴瑟弦。**音義**萊。音來。牧。牧。養之。牧。徐音目。

也。**疏**傳。正義曰。釋木云。壓。桑。山桑。郭璞曰。柘屬也。浮于

汶。達于濟。**音義**汶。音問。正義曰。地理志云。汶水出泰

海岱。及淮。惟徐州。**傳**東至海。北至岱。南及淮。淮沂其又。





公疏傳正義曰。哉。埴音義同。考工記。用土爲瓦。謂之搏反。埴之工。是埴爲黏土。故土黏曰埴。易漸卦象云。漸

進也。釋言云。苞。稹也。孫炎曰。物叢生曰苞。齊人名曰稹。郭璞曰。今人呼叢緻者爲稹。漸苞。謂長進叢生。言其美也。

厥田惟上中。厥賦中中。傳田第二。賦第五。厥貢惟土

五色。傳王者封五色土爲社。建諸侯。則各割其方色土

與之。使立社。燾以黃土。苴以白茅。茅取其潔。黃取王者

覆四方。音義燾。徒報反。覆也。苴。子餘反。包裹也。疏傳正義曰。傳解貢土

以爲社。若封建諸侯。則各割其方色土與之。使歸國立社。其上燾以黃土。燾。覆也。四方各依其方色。皆以黃土

覆之。其割土與之時。苴以白茅。用白茅裹土與之。必用白茅者。取其潔清也。易稱藉用白茅。茅色白而潔美。韓

詩外傳云。天子社廣五丈。東方青。南方赤。西方白。北方

黑。上冒以黃土。將封諸侯。各取其方色土。苴以白茅。以爲社。明有土。謹敬潔清也。蔡邕獨斷云。天子大社。以五

色土爲壇。皇子封爲王者。授之大社之土。以所封之方

色宜以白茅。使之歸國以立社。謂之茅社。是必古書有此說。故先儒之言皆同也。羽畎夏翟。嶧

陽孤桐。夏翟。翟。雉名。羽中旌旄。羽山之谷有之。孤特

也。嶧山之陽特生桐。中琴瑟。音義。夏。行雅反。翟。徒歷反。嶧。音亦。一音夕。

傳正義曰。釋鳥云。翟。山雉。此言夏翟。則夏翟共為雉名。周禮立夏采之官。取此名也。周禮司常云。全羽為旄。析

羽為旌。用此羽為之。故云羽中旌旄也。地理志云。東海下邳縣西有葛嶧山。即此山也。泗濱浮磬。

淮夷蠙珠暨魚。泗水涯水中見石。可以為磬。蠙珠。珠

名。淮夷二水。出蠙珠及美魚。音義。泗。音四。水名。淮夷。鄭

云。淮夷。二水名。蠙。蒲邊反。徐扶堅反。字又作。玼。韋昭薄迷反。蚌也。暨。其器反。見賢遍反。疏。傳正義

玼。韋昭薄迷反。蚌也。暨。其器反。見賢遍反。疏。傳正義

旁山而過。石為泗水之涯。石在水旁。水中見石。似若水

上浮然。此石可以為磬。故謂之浮磬也。貢石而言磬者。此石宜為磬。猶如砥礪然也。蠙。是蚌之別名。此蠙出珠

遂以蠙為珠名。蠙之與魚。皆是水物。而以淮夷冠之。知

淮夷是二水之名。淮卽四瀆之淮也。夷蓋小水。後來竭涸。不復有其處耳。王肅亦以淮夷爲水名。鄭玄以爲淮水之上夷民。獻此珠與魚也。地理志。泗水出濟陰乘氏縣東南。至臨淮睢陵縣入淮。行千一百一十里也。厥

篚玄織縞。傳。玄。黑。縞。縞。白。縞。織。細。也。織。在。中。明。二。物。皆

當細。首義。織。息。廉。反。縞。古。老。反。疏。傳。正。義。曰。篚。之。所。盛。徐。古。到。反。縞。似。陵。反。例。是。衣。服。之。用。此。單

言。玄。必。有。質。玄。是。黑。色。之。別。名。故。知。玄。是。黑。縞。也。史。記。稱。高。祖。爲。義。帝。發。喪。諸。侯。皆。縞。素。是。縞。爲。白。縞。也。

浮于淮泗。達于河。首義。河。如。字。說。文。作。荷。工。可。反。云。水。出。山。陽。湖。陵。南。

淮海惟揚州。傳。北。據。淮。南。距。海。彭。蠡。既。豬。陽。鳥。攸。居。傳。

彭蠡。澤。名。隨。陽。之。鳥。鴻。鴈。之。屬。冬。月。所。居。於。此。澤。音義。

象。音。禮。張。勃。吳。錄。云。今。名。洞庭。湖。案。今。在。九。江。郡。界。疏。傳。正。義。曰。彭。蠡。是。江。漢。合。處。下。云。導。漾。水。南。入。于。江。

東。匯。爲。彭。蠡。是。也。日。之。行。也。夏。至。漸。南。冬。至。漸。北。鴻。鴈。之。屬。九。月。而。南。正。月。而。北。左。思。蜀。都。賦。所。云。木。落。南。翔。

冰泮北徂。是也。日陽也。此鳥南北與日進退。隨陽之鳥。故稱陽鳥。冬月所居於此。彭蠡之澤也。三江既

入。震澤底定。**傳**震澤。吳南大湖名。言三江已入。致定為

震澤。**音義**三江。韋昭云。謂吳松江。錢塘江。浦陽江也。吳

入海為婁江。東南入海為東江。并松江為三江。震澤。吳都太湖。底之履反。致也。史記音致。大湖。音太胡。**疏**

**傳**正義曰。地理志云。會稽吳縣。故周泰伯所封國也。具區在西。古文以為震澤。是吳南大湖名。蓋縣治居澤之

東北。故孔傳言南。志言西。大澤畜水。南方名之曰湖。三江既入此湖也。治水致功。令江入此澤。故致定為震澤

也。下傳云。自彭蠡江分為三。入震澤。遂為北江而入海。是孔意。江從彭蠡而分為三。又共入震澤。從震澤復分

為三。乃入海。鄭云。三江分於彭蠡。為三孔。東入海。其意言三江既入。入海耳。不入震澤也。又案周禮職方。揚州

藪曰具區。浸曰五湖。五湖即震澤。若如志云。具區即震澤。則浸藪為一。案餘州浸藪皆異。而揚州同者。蓋揚州

浸藪同處。論其水謂之浸。指其澤謂之藪。篠簜既敷。**傳**篠。竹箭。簜。大竹。水去

之浸。指其澤謂之藪。篠簜既敷。**傳**篠。竹箭。簜。大竹。水去

已布生。

**音義**

篠。西了反。篠。徒黨反。或作篲。他莽反。

**疏**

竹箭。郭璞云。別二名也。

也。又云。籊竹。李巡曰。竹節相去一丈曰籊。孫炎曰。竹關節者曰籊。郭璞云。竹別名。是篠為小竹。籊為大竹。厥

草惟夭。厥木惟喬。

**傳**

少長曰夭。喬高也。

**音義**

天。於嬌反。馬云。長也。

喬。其嬌反。徐音驕。少。詩照反。長之丈反。

**疏**

正義曰。天是少長之貌。詩曰。桃之天天是也。喬高。釋詁文。詩

曰。南有喬木是也。

厥土惟塗泥。

**傳**

地泉濕。厥田惟下下。厥賦下

上上錯。

**傳**

田第九。賦第七。雜出第六。厥貢惟金三品。

金銀銅也。

**疏**

正義曰。金既總名。而云三品。黃金以下。惟。有白銀與銅耳。故為金銀銅也。釋器云。

黃金謂之盪。其美者謂之鏐。白金謂之銀。其美者謂之鏐。郭璞曰。此皆道金銀之別名。及其美者也。鏐即紫磨

金也。鄭玄以為金三品者。銅三色也。

瑤琨篠簜。

**傳**

瑤琨皆美玉。

**音義**

遙。琨音

音昆。美石也。馬本作瓊。韋昭音貫。

**疏**

正義曰。美石似玉者也。玉石其質相類。美惡別名也。王肅云。瑤琨

乾隆四年校刊

尚書注疏卷五

禹貢

一四

美石。次。齒革羽毛惟木。**傳**齒象牙。革犀皮。羽鳥羽。毛旄

牛尾。木。榿梓豫章。**音義**犀細兮反。旄音毛。榿音縷。又婢善反。**疏**傳正義曰

象齒。知齒是象牙也。說文云。齒口斷骨也。牙牡齒也。隱

五年左傳云。齒牙骨角。牙齒小別。統而名之。齒亦牙也。

考工記。犀甲七屬。兕甲六屬。宣二年左傳云。犀兕尚多

乘甲則那。是甲之所用。犀革為上。革之所美。莫過於犀

知革是犀皮也。說文云。獸皮治去其毛為革。革與皮去

毛為異耳。說文云。羽鳥長毛也。知羽是鳥羽。南方之鳥

孔雀翡翠之屬。其羽可以為飾。故貢之也。說文云。犛西

南夷長旄牛也。此犛牛之尾。可為旄旗之飾。經傳通謂

之旄。牧誓云。右秉白旄。詩云。建旄設旄。皆謂此牛之尾

故知毛是旄牛尾也。直云惟木。不言木名。故言榿梓豫

草服葛越。

**音義**

弁徐許貴反。

**疏**

傳正義曰。上傳海曲謂之島。知此島夷是南海島上之夷

也。釋草云。卉草舍人曰。凡百草一名卉。知卉服是草服

葛越也。葛越南方布名。用葛為之。左思吳都賦云。蕉葛

升越。弱於羅紉是也。冀州云。島夷皮服。是夷自服皮。皮非所貢也。此言島夷卉服。亦非所貢也。此與萊夷作牧。竝在貢篚之間。古史立文不次也。鄭玄云。此州下溼。故衣草服。貢其服者。以給天子之官。與孔異也。厥篚

**織貝**

**傳**

織。細紉。貝。水物。

**疏**

**傳**

正義曰。傳以貝非織物。而云織貝。則貝織異物。織是織

而為之。揚州紉之所出。此物又以篚盛之。為衣服之用。知是細紉。謂細紉布也。釋魚之篇。貝有居陸居水。此州下濕。故云水物。釋魚有立貝。貽貝。餘貶黃白文。餘泉白黃文。當貢此有文之貝。以為器物之飾也。鄭玄云。貝。錦名。詩云。萋兮斐兮。成是貝錦。凡為織者。先染其絲。乃織之。則文成矣。禮記曰。士不衣織。與孔異也。厥包

**橘柚錫貢**

**傳**

小曰橘。大曰柚。其所包裹而致者。錫命乃

貢。言不常。

**音義**

橘。均必反。柚。由究反。裹。音果。

**疏**

正義曰。橘柚二果。其種本別。以實相比。

則柚大。橘小。故云小曰橘。大曰柚。猶詩傳云。大曰鴻。小曰鴈。亦別種也。此物必須裹送。故云其所包裹而送之。以須之有時。故待錫命乃貢。言不常也。文在篚下。以不常故耳。荊州納錫。大龜。豫州錫貢。磬錯。皆為非常。竝在



篚下。荆州言包。傳云橋柚也。文在篚上者。荆州橋柚為善。以其常貢。此州則不常也。王肅云。橋與柚。錫其命而後貢之。不常入。當繼荆州之無也。鄭云有錫則貢之。此州有錫而貢之。或時無則不貢。錫所以柔金也。周禮考工記云。攻金之工。掌執金錫之齊。故也。

沿于江海。達于淮泗。傳順流而下

日沿。沿江入海。自海入淮。自淮入泗。音義沿。悅專反。鄭本作松。松當

為沿。馬本作均。云均平。疏傳正義曰。文十年左傳云。沿漢沂江。沂海。順也。自海入淮。是逆。沿是順。故順流而下曰沿。沿江入

自淮入泗。逆也。

荆及衡陽惟荆州。傳北據荆山。南及衡山之陽。疏傳正義曰。正

此州北界至荆山之北。故言據南及衡山之陽。其境過衡山也。以衡是大山。其南無復有名山大川可以為記。放言陽見其南至山南也。江漢朝宗于海。傳二水經此州而入海。有

似於朝百川以海為宗。宗尊也。音義朝直遙反。疏傳正義曰。周禮大宗

伯。諸侯見天子之禮。春官也。欲其來之早也。宗。宗守也。名。水無性識。非有此義。以似諸侯歸於天子。假人重宗於海。毛傳云。水猶有所也。老子云。滄海所以能爲以海爲宗。鄭云。江水。漢水也。猶諸侯之同心尊天子。則後服。國無道則先疆。故其水之義。以著人臣之禮。分爲九道。甚得地勢之中。

烏江。四曰嘉靡江。五曰映

提江。九曰箇江。張須无緣

州江。三曰嘉靡江。四曰烏

江。七日箇江。八曰沙提江

百里。或五十里。始於鄂陵

康地。記曰。九江。劉歆以爲

傳。正義曰。傳以江是此水

猶大河分爲九河。故言江

爲甚。殷爲中。言甚得地勢之中也。鄭云。殷猶多。從山谿所出。其孔衆多。言治之難也。地理志。廬江潯陽縣南。皆東合爲大江。如鄭此意。九江源。其源非大江也。下流合於大江耳。然則江以大小。俗人皆呼爲江。或從江分出。或從外合。各爲別解。應劭注地理志云。江自潯陽分爲九。孔說。潯陽記有九江之名。一曰烏江。二曰淝江。三曰白江。四曰嘉靡江。五曰畎江。六曰源江。七日廣提江。九曰箇江。雖名起近代。義或當然。洿潛既道。洿。江別名。潛復其故道。洿。徒何反。潛。捷廉反。馬云。洿。湖也。其中泉出而不流者。謂之潛。下文岷山導江。東別爲洿。是洿爲江之別名。洿之本源。故直云水名。釋水云。水自江出爲洿。洿注此。既引爾雅。乃云。今南郡枝江縣有洿水。其耳。首不於江出也。華容有夏水。首出江。尾入洿。謂洿也。潛則未聞象類。此解荆州之洿潛發源。如鄭言。此水南流。不入荆州界。非此潛也。此下云。二水亦謂自江漢出者。地理志。在今蜀郡郫及漢中安陽。皆有洿水潛水。其尾入江漢耳。首

**音義**

**洿潛既道**

**傳**

洿。江別名。潛

原书缺页

原书缺页

砥細於礪。皆磨石也。砮石。

脂。徐之履反。韋昭音旨。砮石。

固反。磨。未佐反。鏃。子木反。

礪以麤糲為稱。故砥細於

石也。精者曰砥。魯語曰。肅

矢鏃之石也。故曰砮石中

丹砂。故云朱類。王肅云丹

貢厥名。傳。箇。籥。美竹。楛。中

澤三國。常致貢之。其名天

路。楛音戶。馬云木名。可以

疏云。葉如荆而赤。莖似著。

當時之名猶然。鄭云。箇。籥

也。箇。籥是兩種竹也。肅慎

皆出雲夢之澤。當時驗之

三國。致此貢也。文續厥名。

天下稱善。鄭立以厥

名。下屬包匭菁茅。包。傳。

乾隆四年校刊

之器。象形也。凡匱之屬皆從匱。匱匣之字皆從匱。匱亦從匱。故匱是匣也。菁茅既以匱盛。非所包之物。明包必有裏也。此州所出。與揚州同。揚州厥包橘柚。知此包是橘柚也。王肅云。揚州厥包橘柚。從省而可知也。

**菁茅**

**傳** 匱匣也。菁以爲菹。茅以縮酒。

**音義**

匱音軌。菁子丁反。徐音精。

馬同。鄭云。茅有毛刺曰菁茅。匣。胡甲反。又音甲。菹。切韻側魚反。縮。所六反。

**疏** 匱之別名。匱之小者。菁茅所盛。不須大匱。故用匣也。周禮醢人。有菁菹。鹿麇。故知菁以爲菹。鄭云。菁。菁菁也。菁菁處處皆有。而

令此州貢者。蓋以其味善也。僖四年左傳。齊桓公責楚云。爾貢包茅不入。王祭不供。無以縮酒。是茅以縮酒也。

郊特牲云。縮酒用茅。明酌也。鄭注云。以茅縮酒也。周禮甸師云。祭祀供蕭茅。鄭興云。蕭字或爲茵。茵讀爲縮。束

茅立之。祭前酒沃其上。酒滲下。若神飲之。故謂之縮。杜預解左傳。用鄭興之說。未知誰同。孔旨。特令此州貢茅。

茅當異於諸處。杜預云。茅之爲異未審也。或云。茅有三脊。案史記。齊桓公欲封禪。管仲觀其不可窮。以辭。因設

以無然之事云。古之封禪。江淮之間。三脊茅以爲藉。此乃懼桓公耳。非荆州所有也。鄭玄以菁茅爲一物。匱猶

纏結也。菁茅之有毛刺者重之。故既包裹而又纏結也。厥篚玄纁璣組。**傳**此州染

玄纁色善。故貢之。璣珠類。生於水。組綬類。**音義**纁許云反。璣其

依反。又音機。馬同。說文云。珠不圓也。字書云。小

珠也。玉篇渠依居沂二反。組音祖。馬云。組文也。**疏**正義曰。

釋器云。三染謂之纁。李巡云。三染其色已成。為絳。纁絳

一名也。考工記云。三入為纁。五人為緹。七人為緇。鄭云。

纁者三入而成。又再染以黑則為緹。又再染以黑則為

緇。玄色在緹緇之間。其六入者是染玄纁之法也。此州

染玄纁色善。故令貢之。說文云。璣珠不圓者。故為珠類。

玉藻說佩玉所懸者。皆云組綬。是組綬相類之物也。

**九江納錫大龜****傳**尺二寸曰大龜。出於九江水中。龜不

常用。錫命而納之。**音義**馬云。納入也。**疏**正義曰。史記龜策

寸。漢書食貨志云。元龜距髯長尺二寸。故以尺二寸為

大龜。冠以九江。知出九江水中也。文在篚下。而言納錫。是言龜不常用。故錫命乃納。浮于江沱潛漢。逾于洛。至之。言此大龜。錫命乃貢之也。

乾隆四年校刊



于南河。傳。逾越也。河在冀州南東流。故越洛而至南河。

**音義**

江沱潛漢四水名。本或作潛于漢。非。逾。羊朱反。疏。正義曰。浮此四水。乃得

耳。

荆河惟豫州。傳。西南至荆山。北距河水。伊洛瀍澗。既入

于河。傳。伊出陸渾山。洛出上洛山。澗出沔池山。瀍出河

南北山。四水合流而入河。音義。瀍。直然反。澗。故晏反。渾。

沔。亡淺反。又亡忍反。下同。疏。傳。正義曰。地理志云。伊水

陸渾。沔池。二縣。屬河南郡。出弘農盧氏縣東熊耳山

東北入洛。洛水出弘農上洛縣冢領山。東北至鞏縣入

河。瀍水出河南穀城縣潛亭北。東南入洛。澗水出弘農

新安縣。東南入洛。志與傳異者。熊耳山在陸渾縣西。冢

領山在上洛縣境之內。沔池在新安縣西。穀城潛亭北

此即是河南境內之北山也。志詳而傳略。所據小異

耳。伊瀍澗三水入洛。合流而入河。言其不復為害也。柴

波既豬。傳。滎澤波水已成遏豬。音義。

滎。戶扇反。滎澤也。波如字。馬本作播。

滎播。澤名。遏。烏葛反。疏。傳。正義曰。沈水入河而溢為滎。滎是澤名。動成波浪。此澤其時

波水已成遏豬。言壅遏而為豬。畜水而成澤。不濫溢也。鄭云。今塞為平地。滎陽民猶謂其處為滎澤。在其縣東

言在滎澤縣之東也。馬鄭王本。皆作滎播。謂此澤名滎播。春秋閔二年。衛侯及狄人戰于滎澤。不名播也。鄭玄

謂衛狄戰在此地。杜預云。此滎澤當在河北。以衛敗方始渡河。戰處必在河北。蓋此澤跨河南北多而得名耳。

導荷澤。被孟豬。傳。荷澤在胡陵。孟豬。澤名。在荷東北。水

流溢覆被之。音義。導。音道。下同。荷。徐音柯。又士可反。注

同。豬。張魚反。又音諸。左傳。同。韋胡阿反。被。皮寄反。徐扶義反。注

爾雅。皆作孟諸。宋藪澤也。疏。傳。正義曰。地理志。山陽郡

澤也。又云。荷澤在濟陰定陶縣東。孟豬在梁國睢陽縣東北。以今地驗之。則胡陵在睢陽之東。定陶在睢陽之北。其水皆不流溢。東北被孟豬也。然郡縣之名。隨代變易。古之胡陵。當在睢陽之西北。故得東出被孟豬也。於

此作子孟豬。左傳爾雅作子孟諸。周禮作望諸。聲轉字異。正是一地也。

厥土惟壤。下土墳壚。

**傳**

高者壤。下者墳壚。

**音義**

壚。音盧。說文黑剛土也。

厥田惟中上。厥

賦錯上中。**傳**

田第四。賦第二。又雜出第一。厥貢漆。臬。絺。

紵。厥筐。織。纊。

**傳**

纊。細綿。

**音義**

絺。勅其反。紵。直呂反。纊。音曠。綿。切韻武延反。

**疏**

**傳**正義曰。禮喪大記。侯死者屬纊。以俟絕氣。卽纊。是新綿耳。織。是細。故言細綿。

錫貢磬錯。

**傳**治

玉石曰錯。治磬錯。

**疏**

玉。又曰。可以爲錯。磬有以玉爲之者。故云治玉石曰錯。謂治磬錯也。

浮于洛。達于河。

華陽黑水。惟梁州。

**傳**

東據華山之南。西距黑水。

**音義**

華。胡

化反。又**傳**正義曰。周禮職方氏。豫州其山鎮曰華山。

胡瓜反。**疏**在豫州界內。此梁州之境。東據華山之南。不

得其山。故言陽也。此岷嶓旣藝。沱潛旣道。**傳**岷山。嶓冢。山之西。雍州之境也。

皆山名。水去已可種藝。沱潛發源此州。入荊州。

**音義**

中反。嶓音波。徐

甫河反。韋音播。志云。蜀郡有湔道。岷山在西徼外。

水所出。隴西郡西縣嶓冢山。西漢水所出。是二者皆

名。沱出于江。潛出于漢。二水發源此州而入荊州。故

州亦云。沱

潛既道。蔡蒙旅平。和夷底績。

**傳**蔡蒙二山名。祭山口

旅平。言治功畢。和夷之地。致功可藝。

**音義**

旅如字。韋立

作穌。鄭云。和讀曰

洄。治直吏反。下同。

**疏**傳正義曰。地理志云。蒙山在蜀

蔡山不知所在。論語云。季氏旅於泰山。是祭山曰旅。

平者。言其治水畢。猶上既藝也。和夷。平地之名。致功

藝。藝與平

互言耳。

厥土青黎。色青黑而沃壤。

**音義**

黎。鄭力

反。馬云。沃壤。言其美也。王肅曰。青黑色。黎小疏也。

田惟下上。厥賦下中三錯。

**傳**

田第七。賦第八。雜出第

第九三等

**疏**

傳正義曰。傳以既言下中。復云三錯。舉下

與第八為三也。鄭云三錯者。此州之地。有當出下之賦者少耳。又有當出上下中下者。差復益小。與孔異也。

厥貢璆鐵銀鏤砮磬

**傳**

璆。玉名。鏤。剛鐵。

**音義**

璆音蚪。徐又居蚪反。

又閭幼反。馬同。韋昭郭璞云。紫磨金。案郭注爾雅。璆即紫磨金。鐵。天結反。鏤。婁豆反。

**疏**

釋器云。璆

琳。玉也。郭璞云。璆琳。美玉之別名。鏤者。可以刻鏤。故為剛鐵也。熊羆狐狸織皮。

**傳**

貢四

獸之皮。織金罽。

**音義**

熊音雄。羆彼宜反。如熊而黃。狸力疑反。罽紀例反。

**疏**

傳正

與織皮連文。必不貢生獸。故云貢四獸之皮。釋言云。罽罽也。舍人曰。鞞謂毛罽。胡人績羊毛作衣。孫炎曰。毛鞞為罽。織毛而言皮者。毛附於皮。故以皮表毛耳。西傾因桓是來。浮于潛。逾于沔。

**傳**

西傾山名。桓水自西傾山南行。因桓水是來。浮于潛。

漢上曰沔。

**音義**

傾窺并反。

**疏**

傳正義曰。下文導山有西傾。知是山名也。地理志云。西傾在隴

西臨洮縣西南。西傾在雍州。自西傾山南行。因桓水是來。浮於潛水也。地理志云。桓水出蜀郡蜀山。西南行。羌中入南海。則初發。西傾未有水也。不知南行幾里。得桓水也。下傳云。泉始出山為漾水。東南流為沔水。至漢中東行。為漢水。入于渭。亂于河。**傳**越沔而北入渭。浮東渡河而還。帝都白所治。正絕流曰亂。**音義**渭音謂。曰計沔。在渭南五百餘里。故越沔陸行而北入渭。渭水入河。故浮渭而東。帝都在河之東。故渡河陸行而還。帝都也。以每州之下。言入河之事。河近帝都。知是還都白所治也。正絕流曰亂。釋水文。孫炎曰。橫渡也。

黑水西河惟雍州。**傳**西距黑水。東據河。龍門之河。在冀

州西。**音義**雍於用反。**疏**傳正義曰。禹治豫州。乃次梁州。自東

水。從梁適雍。自南向北。故先黑水而後西河。計雍州之境。被荒服之外。東不越河。而西踰黑水。王肅云。西據黑水。東距西河。所言得其實也。徧檢孔本。皆云。西據黑水。東據河。必是誤也。又河在雍州之東。而謂之西河者。龍

乾隆四年校刊

禹貢

同治十年重刊  
門之河。在冀州西界。故河至於西河。千里而沂。

**西傳**導之西流。至於合。

使西流也。鄭云衆水皆此水。獨西。故記其西下。

泃。言治涇水入於渭。**音**

代。**疏傳**正義曰。屬謂相及。詩毛傳云。泃。水。

皆南面望水。則北爲泃。知水北曰泃。言治涇水。

志云。涇水出安定涇陽。南至馮翊陽陵縣。入渭。

攸同。**傳**漆沮之水。已從。

沮。七徐反。**疏傳**正義曰。灃。芳弓反。水。則漆沮。

風漆縣西。闕駟十三州。入渭。沮。則不知所出。蓋。

以渭爲主。上云涇屬渭是矣。故此言漆沮既從，已從於渭。澧水所同，亦同於渭。以渭爲主，故也。地理志：澧水出扶風鄠縣東南。北過上林苑入渭也。荆岐既旅。**傳**已旅祭，言治功畢。此荆

在岐東，非荆州之荆。**音義**治直**疏**正義曰：洪水之時，吏反**疏**祭祀禮廢，已旅祭而

言治功畢。治水從下，自東而西。先荆後岐，荆在岐東，嫌與上荆爲一。故云非荆州之荆也。地理志云：禹貢北條

荆山，在馮翊懷德縣南。南條荆山，在南郡臨沮縣北。彼是荆州之荆也。終南惇物，至于鳥

鼠。**傳**三山名，言相望。**音義**終南山名。漢書地理志：一名太一。三秦記云：又名地肺。惇

物，山名。漢書云垂山也。**疏**之云三山名也。至於爲首尾之辭，故言

相望也。二山空舉山名，不言治意，蒙上既旅之文也。地理志云：扶風武功縣有太一山。古文以爲終南，垂山。古

文以爲惇物。原隰底績，至于豬野。**傳**下溼曰隰。豬野地

名。言皆致功。**疏**正義曰：下溼曰隰。釋地文。地理志云：豬野澤，在武威縣東北，有休屠澤。古文



以為豬野澤。鄭立以為詩云度其隰原。即此原。隰是也。原隰。幽地。從此致功。西至豬野之澤也。三危既

宅。三苗不敘。傳西裔之山已可居。三苗之族。大有次敘

美禹之功。言義。不。普。悲反。傳正義曰。左傳稱舜去四凶投

是三危為西裔之山也。其山必是西裔。未知山之所在。地理志杜林以為敦煌郡。即古瓜州也。昭九年左傳云。

先王居橐杻于四裔。故允姓之姦居于瓜州。杜預云。允

姓之祖。與三苗俱放於三危。瓜州。今敦煌也。鄭立引地

記書云。三危之山。在鳥鼠之西南。當岷山。則在積石之

西南。地記乃妄書。其言未必可信。要知三危之山。必在

河之南也。禹治水末。已窺三苗。水災既除。彼得安定。故

云三危之山已可居。三苗之族。大有次敘。記此事以美

禹治之功也。厥土惟黃壤。厥田惟上上。厥賦中下。傳田第一。

賦第六。人功少。疏傳正義曰。此與荊州賦田升降皆較

降之極。故云人功少。其餘相較少者。從此可知也。王制

云。凡居民。量地以制邑。度地以居民。地邑民居。必參相

得也。則民當相準而得有人功。修人功少者，記言初置邑者，可以量之。而州境闕遠，民居先定，新遭洪水，存亡不同。故地勢有美惡，人功有多少。治水之後，即爲此差。在後隨人少多，必得更立其等。此非永定也。厥貢

惟球琳琅玕。

**傳**

球琳，皆玉名。琅玕，石而似珠。

**音義**

球音琳。

韋音來。金反。琅，音郎。玕，音干。山海經云：崑崙山有琅玕樹。疏傳：正義曰：釋地云：西北琳琅玕焉。說者皆云：球琳，美玉名。琅玕，石而似珠者。必相傳驗實，有此言也。浮于積石。至于

龍門西河。

**傳**

積石山，在金城西南。河所經也。沿河順流

而北，千里而東，千里而南。龍門山，在河東之西界。

**疏**

正義曰：地理志云：積石山，在金城河關縣西南。羌中，河行

塞外。東北入塞內。積石，非河之源。故云：河所經也。河從西來，至此北流。故禹沿河順流而北。釋水云：河千里一曲一直。故千里而東，千里而南。至于龍門西河也。地里志云：龍門山，在馮翊夏陽縣北。此山當河之道。禹鑿以通河東郡之西界也。禹至此渡河而還都白帝也。浴或

乾隆四年校刊

禹貢

音

誤為治。此說禹行。不說治水也。**會于渭汭。****傳**逆流曰會。自謂北涯逆水

**西上。****音義**上時**疏**傳正義曰。會。合也。人行逆流而水相

逆水西上。言禹白帝訖。從此而西上。更入雍州界也。諸州之末。惟言還都之道。此州事終。言發都更去。明諸州

也。皆然。**織皮。峴嶠。析支。渠搜。西戎。卽敘。****傳**織皮。毛布。有此

四國。在荒服之外。流沙之內。羌髳之屬。皆就次敘。美禹

之功及戎狄也。**音義**嶠。魯門反。馬云。峴嶠在臨羌西。析

由反。漢書志朔方郡有渠搜縣。武紀云。北**疏**傳正義曰。

發渠搜是也。髳音謀。又音毛。西戎國名。**疏**傳正義曰。

皮毛。故以織皮冠之。傳言織皮毛布。有此四國。峴嶠也。

析支也。渠也。搜也。四國皆是戎狄也。未以西戎總之。此戎在荒服之外。流沙之內。牧誓云。武王伐紂。有羌髳從之。此是羌髳之屬。禹皆就次敘。美禹之功。遠及戎狄。故記之也。鄭玄云。衣皮之民。居此峴嶠析支渠搜三山之野者。皆西戎也。王肅云。峴嶠在臨羌西。析支在河關西。

西戎。西域也。王肅不言渠搜。鄭併渠搜爲一。孔傳不  
或亦以渠搜爲一。通西戎爲四也。鄭以崐崙爲山。謂  
有崐崙之山。非河所出者也。所以  
孔意或是地名國號。不必爲山也。

導岍及岐。至于荆山。**傳**更理說所治山川首尾所在

山通水。故以山名之。三山皆在雍州。

**音義**

導音道。從  
起也。岍音

字又作汧。山名。一  
名吳岳。馬本作開。**疏**正義曰。上文每州說其治水。啓  
更從上而下。條說所治之山。本以通水。舉其山相連  
言此山之傍。所有水害。皆治訖也。因冀州在北。故自  
爲始。從此導岍。至敷淺原。舊說以爲三條。地理志云  
貢北條。荆山在馮翊懷德縣南。南條。荆山在南郡臨  
縣東北。是舊有三條之說也。故馬融。王肅皆爲三條  
岍。北條。西傾。中條。蟠冢。南條。鄭立以爲四列。導岍爲  
列。西傾爲次。陰列。蟠冢爲次。陽列。岷山爲正。陽列。鄭  
創爲此說。孔亦當爲三條也。岍與蟠冢言導。西傾不  
導者。史文有詳略。以可知。故省文也。**傳**正義曰。荆岐  
已具矣。而此復言之。以山勢相連。而州境隔絕。更從

理說所治山川首尾所在。總解此下導山水之意也。其實通水。而文稱導山者。導山本為治水。故以導山名之。

地理志云。吳岳在扶風。岍縣西。古文以為岍山。岐山在美陽縣西北。荆山在懷德縣。三山皆在雍州。逾于

河。傳此謂梁山龍門西河。疏傳正義曰。逾于河。謂山逾

而東。故云此謂龍門西河。言壺口雷首。至于太岳。傳三

山在冀州。大岳上黨西。疏傳正義曰。地理志云。壺口在

東蒲坂縣南。太岳在河東。彘縣東。是三山在冀州。以太岳東近上黨。故云在上黨西也。底柱析城。

至于王屋。傳此三山在冀州南河之北東行。音義履反。

柱如字。韋知父反。又知女。疏傳正義曰。地理志云。析城

反。底柱山名。在河水中。在河東。濩澤縣西。王屋在

河東垣縣東北。地理志不載底柱。底柱在太陽關東。太

析城之西。從底柱至王屋。在冀州南河之北東行也。太行恆山。至于碣石。入于海。傳此二山連延東北。接碣石

而人滄海。百川經此衆山。禹皆治之。不可勝名。故以山

言之。**音義**行。戶剛反。又如字。**疏**正義曰。地理志云。太

北。恒山。在常山上。曲陽縣西北。太行去恒山太遠。恒山

去碣石又遠。故云。此二山連延東北。接碣石而入滄海。

言山傍之水皆入海。山不入海也。又解治水言山之

百川經此衆山。禹皆治之。川多不可勝名。故以山言之

也。謂漳潞汾涑在壺口雷首太行。經砥柱析城。濟出

王屋。淇近太行。恒衛滹沱澧易。近恒山碣石之等也。

**西傾朱圉鳥鼠****傳**西傾朱圉在積石以東。鳥鼠渭水所

出。在隴西之西。三者雍州之南山。**音義**傾。窺并反。**疏**正

義曰。地理志云。西傾在隴西臨洮縣西南。朱圉在天水

冀縣南。言在積石以東。見河所經也。地理志云。鳥鼠同

穴山。在隴西首陽縣西南。渭水所出。在

隴西郡之西。是三者皆雍州之南山也。

**至于太華****傳**相首尾而東。**音義**華。如字。又**疏**正義曰。地理志云。太華

在

乾隆四年校刊

禹貢

二下

望太華太遠。故云。相首尾而東也。

熊耳外方桐柏。至于陪尾。**傳**四山相

連。東南在豫州界。洛經熊耳。伊經外方。淮出桐柏。經陪

尾。凡此皆先舉所施功之山於上。而後條列所治水於

下。互相備。

**音義**

陪音裴。陪尾山名。漢書作橫。疏傳正義尾列如字。本或作別。彼列反。疏傳正義

志云。熊耳山在弘農盧氏縣東。伊水所出。嵩高山在潁川。嵩高山縣。古文以為外方山。桐柏山在南陽平氏縣東南。橫尾山在江夏安陸縣東北。古文以為陪尾山。是四山接華山而相連。東南皆在豫州界也。凡舉山名皆為治水。故言水之所經。洛出熊耳。伊經外方。淮出桐柏。經陪尾。導山本為治水。故云皆先舉所施功之山於上。而後條列所治水於下。互相備也。

導嶓冢。至于荆山。

**傳**

漾水出嶓冢。在梁州。經荆山。荆山

在荆州。

**音義**

漾羊尚反。

**疏**

正義曰。下云嶓冢導漾。梁州云岷嶓既藝。是嶓冢在梁州也。荆州

以荆山爲名。知荆山在荆州也。內方至于大別。傳內方大別二山名。在

荆州。漢所經。疏傳正義曰。地理志云。章山在江夏竟陵

別。鄭玄云。大別在廬江安豐縣。杜預解春秋云。大別闕

不知何處。或曰。大別在安豐縣西南。左傳云。吳既與楚

夾漢。然後楚乃濟漢而陳。自小別至于大別。然則二別

近漢之名。無緣得在安豐縣。如預所言。雖不知其處。要

與內方相接。漢水所經。必在荆州界也。岷山之陽。至于衡山。傳岷山。江所

出。在梁州。衡山。江所經。在荆州。疏傳正義曰。其下云。岷

藝。是岷山在梁州也。地理志云。衡山在長沙湘南。過九

江。至于敷淺原。傳言衡山連延過九江。接敷淺原。言導

從首起。言陽從南。敷淺原。一名博陽山。在揚州豫章界

疏傳正義曰。衡。卽橫也。東西長。今之人謂之爲嶺。東行



及嶓冢言導。岷山言陽。故解之。言導從首起。言陽從南。言岷山之南至敷淺原。別以岷山為首。不與大別相接。由江所經。別記之耳。以見岷非三條也。地理志。豫章歷陵縣南有博陽山。古文以為敷淺原。

**導弱水。至于合黎。**

**傳** 合黎水名。在流沙東。

**音義**

弱本或作弱合

如字。黎力兮。正義曰。此下所導。凡有九水。大意亦自反。馬云地名。北為始。以弱水最在西北。水又西流。故先言之。黑水雖在河南。水從雍梁西界南入南海。與諸水不相參涉。故又次之。四瀆江河為大。河在北。故先言河也。漢入于江。故先漢後江。其濟發源河北。越河而南。與淮俱為四瀆。故次濟次淮。其渭與洛俱入于河。故後言之。計流水多矣。此舉大者言耳。凡此九水。立文不同。弱水黑水沈水。不出于山。文單故以水配。其餘六水。文與山連。既繫於山。不須言水。積石山非河上源。記施功之處。故云導河積石。言發首積石起也。漾江先山後水。淮渭洛先水後山。皆是史文詳略。無義例也。又淮渭洛言自某山者。皆是發源此山。欲使異於導河。故加自耳。鄭玄云。凡言導者。發源於上。未成流。凡言自者。亦發源於上。未成流。必其俱未成流。何須別導與自。河出崑崙。

發源甚遠。豈至積石猶未成流而云導河也。**傳**正義曰：弱水得入合黎。知合黎是水名。顧氏云：地記書合黎山名。但此水出合黎。因山爲名。鄭立亦以爲山名。地理志：張掖郡刪丹縣桑欽以爲導弱水。自此西至酒泉。合黎張掖郡又有居延澤。在縣東北。古文以爲流沙。如志之言。酒泉郡在張掖郡西。居延屬張掖。合黎在酒泉。則流沙在合黎之東。與此傳不合。案經弱水西流。水既至于合黎。餘波入于流沙。當如傳文。合黎在流沙之東。不得在其西也。餘波入于流沙。**傳**弱水餘波西溢入流沙。**音義**音溢。

導黑水。至于三危。入于南海。**傳**黑水自北而南。經三危。

過梁州。入南海。

**疏**

**傳**正義曰：地理志益州郡。計在蜀郡西南三千餘里。故滇王國也。武帝元

封二年。始開爲郡。郡內有滇池縣。縣有黑水祠。止言有其祠。不知水之所在。鄭云：今中國無也。傳之此言。順經文耳。案酈元水經：黑水出張掖雞山。南流至敦煌。過三危山。南流入于南海。然張掖敦煌並在河北。所以黑水

得越河入南海者。河自積石以西。皆多伏流。故黑水得越而南也。

導河積石。至于龍門。**傳**施功發于積石。至于龍門。或鑿

出。或穿地。以通流。**疏****傳**正義曰。河源不始於此。記其施功處耳。故言施功發於積石。釋水

云。河千里一曲一直。則河從積石北行。又東乃南行。至于龍門。計應三千餘里。龍門底柱。鑿山也。其餘平地。穿

地也。或鑿山。或穿地。以通流。言自積石至海皆然也。釋水云。河出崑崙虛。色白。李巡曰。崑崙山名。虛山下地也。

郭璞云。發源高處激湊。故水色白。潛流地中。受渠衆多。渾濁。故水色黃。漢書西域傳云。河有兩源。一出蔥嶺。一

出于闐于闐。在南山下。其河北流。與蔥嶺河合。東注蒲昌海。蒲昌海一名鹽澤者。去玉門陽關三百餘里。廣袤

三四百里。其水停居。冬夏不增減。皆以為潛行地下。南出于積石。為中國河。郭璞云。其去崑崙里數遠近。未得

詳也。南至于華陰。**傳**河自龍門南流。至華山。北而東行。東

至于底柱。**傳**底柱。山名。河水分流。包山而過。山見水中。

至于底柱。**傳**底柱。山名。河水分流。包山而過。山見水中。

若柱然在西號之界

**音義**

見賢遍反。號寡白反。

又東至于孟津

**傳**

孟津地名在洛北都道所湊古今以為津

**音義**

孟津如字洛北

地名湊

**傳**

正義曰孟是地名津是渡處在孟地致津七豆反謂之孟津傳云地名謂孟為地名耳杜預云

孟津河內河陽縣南孟津也。在洛陽城北。都道所湊。古今常以為津。武王渡之。近世以來呼為武濟。

東過

洛汭至于大伾

**傳**

洛汭洛入河處山再成曰伾至于大

伾而北行

**音義**

伾本又作岍音丕又皮鄙反徐扶眉反又數眉反韋音詔郭撫梅反字或作伾

處昌

**疏**

正義曰洛汭洛入河處河南鞏縣東也釋山慮反云再成英一成岍李巡曰山再重曰英一重曰

岍傳云再成曰伾與爾雅不同蓋所見異也鄭立云大伾在修武武德之界張揖云成臯縣山也漢書音義有

臣瓚者以為修武武德無此山也成臯縣山又不一成今黎陽縣山臨河豈不是大伾乎瓚言當然

北過

降水至于大陸

**傳**

降水水名入河大陸澤名

**音義**

降如字鄭

戶江傳正義曰地理志云降水在信都縣案班固漢

反書以襄國為信都在大陸之南或降水發源在

此下尾至今之信都故得先過降水乃至大陸若其不

爾則降水不可知也鄭以降讀為降下江反聲轉為共

河內共縣淇水出焉東至魏郡黎陽縣入河北近降水

也周時國於此地者惡言降水改謂之共此鄭胷臆不

可從也又北播為九河傳北分為九河以殺其溢在兗州

界同為逆河入于海傳同合為一大河名逆河而入於

渤海皆禹所加功故敘之音義殺所界反溢字又作

傳正義曰傳言九河將欲至海更同合為一大河名為

逆河而入于渤海也鄭立云下尾合名為逆河言相向

迎受王肅云同逆一大河

納之於海其意與孔同

蟠冢導漾東流為漢傳泉始出山為漾水東南流為沔

水至漢中東流為漢水疏傳正義曰傳之此言當據時

人之名為說也地理志云漾

水出隴西氐道縣。至武都為漢水。不言中為沔水。孔知  
嶓冢之東。漢水之西。而得為沔水者。以禹治梁州。人帝  
都。白所治。云逾于沔。入于渭。是沔近于渭。當梁州同冀  
州之路也。應劭云。沔水自江別。至南郡華容縣。為夏水。  
過江夏郡。入江。既云江別。明與此沔別也。依地理志。漢  
水之尾。變為夏水。是應劭所云沔水。下尾亦與漢合。乃  
人于江也。又東為滄浪之水。**傳**別流在荊州。**音義**浪音郎。**疏**正  
義曰。傳言別流。似分為異水。案經首尾相連。不是分  
別。當以名稱別流也。以上在梁州。故此云在荊州。**過**

**三澨**。至于大別。**傳**三澨。水名。入漢。大別。山名。南入于江。  
**傳**觸山迴。南入江。東匯澤為彭蠡。**傳**匯迴也。水東迴為

彭蠡。大澤。東為北江。入于海。**傳**自彭蠡。江分為三。入震

澤。遂為北江。而入海。**音義**澨。市制反。觸。尺玉反。匯。徐胡罪反。韋空為反。**疏**正

義曰。揚州云。三江既入。震澤底定。孔為三江既入。入震  
澤也。故言江自彭蠡分而為三江。復共入震澤。出澤又

分爲三。此水遂爲北江而入于海。鄭立以爲三江既入于海。不入震澤也。孔必知入震澤者。以震澤屬揚州。彭蠡在揚州之西界。今從彭蠡有三江。則震澤之西三江具矣。今云三江既入。繼以震澤底定。故知三江入震澤矣。今南人以大江不入震澤。震澤之東。別有松江等三江。案職方揚州其川曰三江。宜舉州內大川。其松江等雖出震澤。入海既近。周禮不應捨岷山大江之名。而記松江等小江之說。山水古今變易。故鄭云既知今亦當知古是古。今同之驗也。

**岷山導江東別爲沱。**  
**傳**江東南流。沱東行。  
**音義**沱。唐河反。  
**疏**

**傳**正義曰。以上云浮于江。沱潛漢。其次自南而北。江在沱南。知江東南流而沱東行。又東至于澧。

**傳**澧水名。  
**音義**澧。音禮。  
**疏**正義曰。鄭立以此經自導弱水已下。言過言會者。皆是水名。

言至于者。或山或澤。皆非水名。故以合黎爲山名。澧爲陵名。鄭立云。今長沙郡有澧陵縣。其以陵名爲縣乎。孔以合黎與澧。皆爲水名。弱水餘波入于流沙。則本源入合黎矣。合黎得容弱水。知是水名。楚辭曰。濯余佩兮澧

浦。是澧亦過九江。至于東陵。傳江分爲九道。在荊州。東

陵地名。疏傳正義曰。九江之水。禹前先有其處。禹今導江。過歷九江之處。非是別有九江之水。東

池北會于匯。傳池溢也。東溢分流。都共北會爲彭蠡。音

義。以爾反。疏傳正義曰。池言靡池。邪出之言。故爲溢。馬云。靡也。東溢分流。又都共聚合。北會彭蠡。言

散流而復合也。鄭云。東池者。爲南江。孔意或然。至之與會。史異文耳。東爲中江。入于海。傳

有北。有中。南可知。疏傳正義曰。地理志云。南江從會稽縣西東至會稽陽羨縣東入海。北江從會稽毗陵縣北東入海。

導沈水。東流爲濟。傳泉源爲沈。流去爲濟。在溫西北平

地。音義。沈音充。又。疏傳正義曰。地理志云。濟水出河東

入河。傳言在溫西北平地者。濟水近在河內。孔必驗而

知之。見今濟水所出。在溫之西北七十餘里。溫是古之

乾隆四年校刊 禹貢



舊縣故計入于河。溢為滎。**傳**濟水入河。竝流十數里而

南截河。又竝流數里。溢為滎澤。在敖倉東南。**音義**數色

下同。一本**疏****傳**正義曰。此皆目驗為說也。濟水既入于

南出還清。故可知也。東出于陶丘北。**傳**陶丘丘再成。**音義**陶音

**傳**正義曰。釋丘云。再成為陶丘。李巡曰。再成。其形再重

也。郭璞云。今濟陰定陶城中。有陶丘。地理志云。定陶縣

西南有陶丘亭。又東至于荷。**傳**荷澤之水。又東北會于汶。**傳**濟

與汶合。又北東入于海。**傳**北折而東。**音義**折之設反。

導淮。自桐柏。**傳**桐柏山。在南陽之東。**疏****傳**正義曰。地理

南陽平氏縣東南。淮水所出。水經云。出胎簪山。東北過

桐柏山。胎簪蓋桐柏之傍小山。傳言南陽郡之東也。

東會于泗沂。東入于海。**傳**與泗沂二水合入海。**疏****傳**正義曰。

地理志云。沂水出泰山蓋縣。南至下邳入泗。泗水出濟陰乘氏縣。至臨淮睢陵縣入淮。乃沂水先入泗。泗入淮耳。以沂水入泗處。去淮已近。故連言之。

導渭自鳥鼠同穴。

**傳**

鳥鼠共為雌雄。同穴處此山。遂名

山曰鳥鼠。渭水出焉。

**疏**

正義曰。釋文云。鳥鼠同穴。其鳥鼠為鷓。其鼠為鼯。李巡曰。鷓鼯

鳥鼠之名。共處一穴。天性然也。郭璞曰。鼯如人家鼠而短尾。鷓似鷄而小。黃黑色。穴入地三四尺。鼠在內。鳥在外。今在隴西首陽縣有鳥鼠同穴山。尚書孔傳云。共為雌雄。張氏地理記云。不為牝牡。璞竝載此言。未知誰得實也。地理志云。隴西首陽西南有鳥鼠同穴山。渭水所出。至京兆北船司空縣入河。過郡四。行千八百七十里。

東會于澧。又東會于涇。

**傳**

澧水自南。涇水自北而合。又

東過漆沮。入于河。

**傳**

漆沮二水名。亦曰洛水。出馮翊北。

**音義**

澧音豐。翊與職反。

**疏**

正義曰。地理志云。漆水出扶風漆縣。依十三州記。漆水在岐山東入渭。

則與漆沮不同矣。此云會于涇。又東過漆沮。是漆沮在涇水之東。故孔以爲洛水一名漆沮。水經。沮水出北地直路縣。東入洛水。又云鄭渠在太上皇陵東南。濯水入焉。俗謂之漆水。又謂之漆沮。其水東流注於洛水。志云出馮翊懷德縣。東南入渭。以水土驗之。與毛詩古公自土沮漆者別也。彼漆。卽扶風漆水也。彼沮則未聞。

**導洛自熊耳。****傳**在宜陽之西。東北會于澗。瀍。**傳**會于河

南城南。又東會于伊。**傳**合於洛陽之南。又東北入于河。

**傳**合於鞏之東。**音義**鞏。恭勇反。縣名。屬河南郡。

九州攸同。**傳**所同事在下。四隩既宅。**傳**四方之宅已可

居。九山刊旅。九川滌源。九澤既陂。**傳**九州名山已槎木

通道而旅祭矣。九州之川已滌除泉源無壅塞矣。九州

之澤已陂障無決溢矣。四海會同。六府孔修。**傳**四海之

內會同于京師。九州同風。萬國共貫。水火金木土穀甚  
修治。言政化和。庶土交正。底慎財賦。**傳**交俱也。衆土俱  
得其正。謂壤墳壚。致所慎者。財貨貢賦。言取之有節。不  
過度。咸則三壤成賦中邦。**傳**皆法壤田上中下大較三

品。成九州之賦。明水害除。

**音義**

隳於六反。玉篇。於報反。條待歷反。陂彼宜反。槎

仕雅反。障章尚反。貫工喚反。較音角。

**疏**

正義曰。昔堯遭洪水。道路阻絕。今水土既治。天下大同。故總敘之。今

九州所共同矣。所同者四方之宅。已盡可居矣。九州之  
山。刊槎其木。旅祭之矣。九州之川。滌除泉源。無壅塞矣。  
九州之澤。已皆陂障。無決溢矣。四海之內。皆得會同京  
師。無乖異矣。六材之府。甚修治矣。言海內之人。皆豐足  
矣。水災已除。天下衆土墳壚之屬。俱得其正。復本性故  
也。民既豐足。取之有藝。致所重慎者。惟財貨賦稅也。慎  
之者。皆法則其三品土壤。準其地之肥瘠。爲上中下三  
等。以成其貢賦之法於中國。美禹能治水。安海內。於

此總結之。傳正義曰。九州所同。與下爲目。故言所同事在下。四隩既宅已下皆是也。其言九山九川九澤。最是同之事矣。室隅爲隩。隩是內也。人之造宅爲居。至其隩內。遂以隩表宅。故傳以隩爲宅。以宅內可居。言四方舊可居之處皆可居也。上文諸州有言山川澤者。皆舉大言之。所言不盡。故於此復更總之。九山九川九澤。言九州之內。所有山川澤。無大無小。皆刊槎決除已訖。其皆旅祭。惟據名山大川言旅者。往前大水。旅祭禮廢。已旅見已治也。山非水體。故以旅見治。其實水亦旅矣。發首云奠高山大川。但是定位。皆已旅際也。川言滌除泉源。從其所出。至其所入。皆蕩除之。無壅塞也。澤言既陂。往前濫溢。今時水定。或作陂以障之。使無決溢。詩云彼澤之陂。毛傳云。陂。澤障也。禮諸侯之見天子。時見曰會。殷見曰同。此言四海會同。乃謂官之與民。皆得聚會京師。非據諸侯之身朝天子也。夷狄戎蠻。謂之四海。但天子之於夷狄。不與華夏同風。故知四海謂四海之內。卽是九州之中。乃有萬國。萬國同其風化。若物在繩索之貫。故云九州同風。萬國共貫。大禹謨云。水火金木土穀。謂之六府。皆修治者。言政化和也。由政化和平。民不失業。各得殖其資產。故六府修治也。交錯更互俱之義。故交

爲俱也。洪水之時，高下皆水。土失本性，今水災既除，衆土俱得其正。謂壤墳墟，還復其壤墳墟之性也。諸州之土，青黎是色，塗泥是濕。土性之異，惟有壤墳墟耳。故舉三者以言也。致所慎者，財貨貢賦，謹慎其事，不使害人。言取民有節，什一而稅，不過度也。土壤各有肥瘠，貢賦從地而出，故分其土壤爲上中下，計其肥瘠等級甚多。但舉其大較，定爲三品。法則地之善惡，以爲貢賦之差。雖細分三品，以爲九等。人功修少，當時小異，要民之常稅，必準其土，故皆法三壤成九州之賦。言得施賦法，以明水害除也。九州卽是中邦，故傳以九州言之。

錫土姓，祇台德先，不距朕行。**傳**台，我也。天子建德，因生

以賜姓。謂有德之人生此地，以此地名賜之，姓以顯之。

王者常自以敬我德爲先，則天下無距違我行者。**音義**

台，徐音怡。行，正義曰：此一經皆史美禹功，言九州風下孟反。注同。**疏**俗既同，可以施其教化。天子惟當擇任

其賢者，相與共治之。選有德之人，賜與所生之土爲姓，既能尊賢如是，又天子立意，常自以敬我德爲先，則天

下之民無有距違我天子所行者皆禹之使然故敘而美之。**傳**正義曰。台。我。釋詁文。天子建德。因生以賜姓。隱八年左傳文。既引其文。又解其義。土地也。謂有德之人生于此地。天子以地名賜之。姓以尊顯之。周語稱帝嘉禹德。賜姓曰姒。胙四岳。賜姓曰姜。左傳稱周賜陳胡公之姓為媯。皆是因生賜姓之事也。臣蒙賜姓。其人少矣。此事是用賢大者。故舉以為言。王者既能用賢。又能謹敬。其立意也。常自以敬我德為先。則天下無有距違我天子之行者。論語云。上好禮則民莫敢不敬。上好義則民莫敢不服。上好信則民莫敢不用情。王者自敬其德。則民豈敢不敬之。人皆敬之。誰敢距違者。聖人行而天下皆悅。動而天下皆應。用此道也。

**五百里甸服** **傳** 規方千里之內。謂之甸服。為天子服治

田。去王城面五百里。**音義** 甸。田。遍反。為。于。偽反。**疏** 正義曰。既言九

賦。而四海之內。路有遠近。更敘彌成五服之事。甸。侯。綏。要荒。五服之名。堯之舊制。洪水既平之後。禹乃為之。節文。使賦役有恒。職掌分定。甸服去京師最近。賦稅尤多。故每於百里。即為一節。侯服稍遠。近者供役。故二百里

內各爲一節。三百里外共爲一節。緩要荒三服。去京師益遠。每服分而爲二。內三百里爲一節。外二百里爲一節。以遠近有較。故其任不等。甸服入穀。故發首言賦稅也。賦令自送入官。故三百里內每皆言納。四百里五百里不言納者。從上省文也。於三百里言服者。舉中以明上下。皆是服王事也。侯服以外。貢不入穀。侯主爲斥侯。二百里內。徭役差多。故各爲一名。三百里外。同是斥侯。故共爲一名。自下皆先言三百里而後二百里。舉大率爲差等也。**傳**正義曰。先王規方千里以爲甸服。周語文。王制亦云。千里之內曰甸。鄭立云。服治田。出穀稅也。言甸者。主治田。百里賦納總。**傳**甸服內之百里近王城者。故服名甸也。

禾稟曰總。人之供餉國馬。

**音義**

納如字。本又作內。音同。下如字。總音摠。近附。

之近。稟故老反。

**疏**

**傳**正義曰。去王城五百里。總名甸服。就其甸服內。又細分之。從內而出。此

爲其首。故云甸服之內。近王城者。總者。總下銍秬禾穗與稟。總皆送之。故云禾稟曰總。入之供餉國馬。周禮掌

客待諸侯之禮。有芻有禾。此總是也。

二百里納銍。**傳**

銍刈。謂禾穗。

**音義**

銍珍



粟反。穗亦作穉音途。**疏傳**正義曰。劉熙釋名云。銚。穫禾鐵也。說文

者。謂禾穗也。禾穗用銚以刈。故以銚表禾穗也。三百里納秸服。**傳**。桔。稟也。服稟

役。**音義**。桔。本或作稽。工八反。**疏傳**正義曰。郊特牲云。莞

亦稟也。雙言之耳。去穗送稟。易於送穗。故為遠彌輕也。

然計什一而得。稟粟皆送。則桔服重於納銚。則乖近重

遠輕之義。蓋納粟之外。斟酌納稟。服稟役者。解經服字。

於此言服。明上下服皆並有所納之役也。四百里猶尚

納粟。此當稟粟別。四百里粟。五百里米。**傳**。所納精者少。

麤者多。**疏傳**正義曰。直納粟米為少。禾稟俱送為多。其

耳。**疏傳**正義曰。侯聲近侯。故為侯也。襄十八年左傳。稱晉

人伐齊。使司馬斥山澤之險。斥。謂檢行之也。斥侯。謂

檢行險阻。伺候盜賊。此五百里。主爲斥候而服。百里采。事天子。故名侯服。因見諸言服者。皆是服事也。百里采。

**傳** 侯服內之百里。供王事而已。不主一。**疏** 正義曰。采

里之內。主供王事而已。事謂役也。二百里男邦。**傳** 男。任

有役則供。不主於一。故但言采。**疏** 正義曰。男聲近任

也。任王者事。**音義** 任而針反。又**疏** 故訓爲任。任王者事

任受其役。此任有常。殊於不主一也。三百里諸侯。**傳** 三

言邦者。見上下皆是諸侯之國也。百里同爲王者斥候。故合三爲一名。**音義** 同爲之爲

**傳** 正義曰。經言諸侯者。三百里內。同爲王者斥候。在此

內所主事同。故合三百四百五百共爲一名。言諸侯以

示義耳。**五百里綏服** **傳** 綏。安也。侯服外之五百里。安服王者之

政教。**音義** 綏。息遺反。**疏** 正義曰。綏。安。釋詁文。要服去京師

路近。言安服王者政教。以示不待要束而自服也。周語云。先王之制。邦內甸服。邦外侯服。侯衛賓服。夷蠻要服。戎狄荒服。彼賓服當此綬服。韋昭云。以文武教衛為安。王賓之。因以名服。然則綬者。據諸侯安王為名。賓者。據王敬諸侯為名。彼云先王三百里揆文教。傳揆度也。度之制。則此服舊有二名。三百里揆文教。傳揆度也。度

王者文教而行之。三百里皆同。

**音義**

揆。葵癸反。度。待洛反。傳。正義曰。正

釋詁訓揆為度。故雙言之。以王者有文教。此服諸侯揆度。王者政教而行之。必自揆度。恐其不合上耳。即是安服王者。二百里奮武衛。傳文教外之二百里。奮武衛。天子所以安。

**音義**

奮。方問反。傳。正義曰。既言三百。又言二百。此同。故於此解之。此是文教外之二百里也。由其心安

王化。奮武以衛天子。所以名此服為安也。內文而外武。故先揆文教。後言奮武衛。所從言之異。與安之義同。奮武衛天子。是其安之驗也。言服內諸侯。心安。天子非言天子賴諸侯以安也。

五百里要服。傳綏服外之五百里。要束以文教。音義一要

遙反。束如字。一音來。傳正義曰：要者，約束之義。上言揆文教，知

恐其不稱上旨。此要服差遠，已慢王化。天子恐其

不服，乃以文教要服之。名為要。見其疎遠之義也。三百

里夷。傳守平常之教，事王者而已。音義夷，馬云。二百里

蔡。傳蔡法也。法三百里而差簡。音義差，初佳反。疏傳正

蔡之為法，無正訓也。上言三百里夷，夷訓平也。守平常

教耳。此名為蔡，教簡於夷。故訓蔡為法。法則三百里者，

去京師彌遠，差復簡易。言其不能守平常也。

五百里荒服。傳要服外之五百里。言荒又簡略。疏傳正

服名荒者。王肅云：政教荒忽，因其故俗而治之。傳言三

荒又簡略，亦當以為荒忽。又簡略於要服之蔡也。三

百里蠻。傳以文德蠻來之，不制以法。音義正義曰：鄭云

蠻者聽從其俗。

乾隆四年校刊

尚書注疏卷五 禹貢

七

羈縻其人耳。故云蠻蠻之言緝也。其意言蠻是緝也。緝是繩也。言蠻者以繩束物之名。揆度文教。論語稱遠人不服。則修文德以來之。故傳言以文德蠻來之。不制以國內之法。強逼之。王肅云。蠻慢也。禮儀簡慢。與孔異。然甸侯綏要四服。俱有三日之役。什一而稅。但二百里蔡者。稅徵差簡。其荒服力役田稅竝無。故鄭注云。蔡之言殺。滅殺其賦。荒服既不役作其人。又不賦其田事也。其侯綏等所出稅賦。各入本國。則亦有納總納銓之差。但此據天子立文耳。要服之內。皆有文教。故孔於要服傳云。要束以文教。則知己上皆有文教可知。獨於綏服三百里云。揆文教者。以去京師既遠。更無別供。又不近外邊。不爲武衛。其要服。又要束始行文教。無事而能揆度文教而行者。惟有此三百里耳。奮武衛者在國習學兵武。有事則征討夷狄。不於要服內奮武衛者。以要服逼近夷狄。要束始來。二百里流。流移也。言政教隨其俗。不可委以兵武。

凡五服相距。爲方五千里。

**疏傳**

正義曰。流如水流。故云移也。其俗流移無常。故政

教隨其俗。任其去來。不復蠻來之也。凡五服之別。各五百里。是王城四面。面別二千五百里。四面相距。爲方五

千里也。賈逵馬融以爲甸服之外百里至五百里米特  
有此數。去王城千里其侯綏要荒服各五百里。是面三  
千里。相距爲方六千里。鄭玄以爲五服。服別五百里。是  
堯之舊制及禹弼之。每服之間更增五百里。面別至于  
五千里。相距爲方萬里。司馬遷與孔意同。王肅亦以爲  
然。故肅注此云。賈馬旣失其實。鄭玄尤不然矣。禹之功  
在平治山川不在拓境廣土。土地之廣三倍於堯。而書  
傳無稱也。則鄭玄創造難可據信。漢之孝武疲弊中國  
甘心夷狄。天下戶口至減大半。然後僅開緣邊之郡而  
已。禹方憂洪水三過其門不入。未暇以征伐爲事。且其  
所以爲服之名。輕重顛倒遠近失所。難得而通矣。先王  
規方千里以爲甸服。其餘均分之。公侯伯子男使各有  
寰宇。而使甸服之外諸侯入禾藁。非其義也。史遷之旨  
蓋得之矣。是同於孔也。若然。周禮王畿之外別有九服  
服別五百里。是爲方萬里。復以何故三倍於堯。又地理  
志言漢之土境東西九千三百三里。南北萬三千三百  
六十八里。驗其所言山川不出禹貢之域。山川載地。古  
今必同。而得里數異者。堯與周漢其地一也。尚書所言  
據其虛空鳥路。方直而計之。漢書所言。乃謂著地人跡  
屈曲而量之。所以數不同也。故王肅上篇注云。方五千

里者。直方之數。若其迴邪委曲。動有倍加之較。是言經指直方之數。漢據迴邪之道。有九服五服。其地雖同。王者革易。自相變改。其法不改其地也。鄭立不言禹變堯法。乃云地倍於堯。故王肅所以難之。王制云。西不盡流沙。東不盡東海。南不盡衡山。北不盡恒山。凡四海之內。斷長補短。方三千里者。彼自言不盡。明未至遠界。且王制漢世為之。不可與經合也。

東漸于海。西被于流沙。朔南暨聲教。**傳**漸入也。被及也。

此言五服之外。皆與王者聲教而朝見。訖于四海。禹錫

立圭。告厥成功。**傳**立。天色。禹功盡加於四海。故堯賜立

圭以彰顯之。言天功成。**音義**漸。子廉反。被。皮寄反。朔。北

遍反。訖。正。義曰。言五服之外。又東漸入于海。西被及

斤密反。**疏**于流沙。其北與南。雖在服外。皆與聞天子威

聲文教。時來朝見。是禹治水之功。盡加于四海。以禹功

如是。故帝賜以立色之圭。告其能成天之功也。**傳**正義

曰。漸是沾濕。故爲入。謂入海也。覆被是遠及之辭。故爲及也。海多邪曲。故言漸入。流沙長遠。故言被及。皆是過之意也。五服之下。乃說此事。故言此五服之外。皆與王者聲教而朝見。言其聞風感德而來朝也。鄭玄云。南北不言所至。容踰之。此言西被於流沙。流沙當是西境最遠者也。而地理志以流沙爲張掖居延澤是也。計三危在居延之西。大遠矣。志言非也。考工記天謂之玄。是玄爲天色。禹之蒙賜。必是堯賜。故史敘其事。禹功盡加于四海。故堯賜玄圭以彰顯之。必以天色圭者。言天功成也。大禹謨舜美禹功云。地平天成。是天功成也。



同治十年重刊

尚書注疏卷五

按察使銜兼署廣東按察使鹽運使臣鍾謙鈞恭校刊

尚書注疏卷五考證

禹貢疏定山川次秩○次監本訛大今改正

又疏布行德教之事也○布監本訛行今改正

奠高山大川傳高山五岳大川四瀆○黃度曰九州皆有高山大川不獨五岳四瀆所謂刊旅滌源者也

冀川旣載傳先施貢賦役載於書○臣召南按自唐以

前俱讀冀州旣載爲句其解載字王肅說同孔傳而鄭韋稍殊顏師古注漢志則云載始也冀州堯所都故禹治水自冀州始其說又異宋蘇軾始以旣載二字連下文壺口爲句

壺口治梁及岐傳壺口在冀州梁岐在雍州從東循山

治水而西○

臣召南

按孔傳於地理有極精處此條

是也後儒疑雍州山不當入冀始於冀州強尋梁岐  
二山而并壺口亦失之不知梁山卽詩所云奕奕梁  
山惟禹甸之者亦卽春秋時壅河不流之梁山也岐  
山卽後文荆岐旣旅導岍及岐之岐山其後爲太王  
所遷文王所治者也梁在河之西岸岐則又在其西  
數百里矣曾晷曰壺口梁岐一役也施功同時不可  
分言於二州故并言於冀也可爲此傳之確疏

疏孔君去漢初七八十年耳身爲武帝博士必當具

見圖籍○胡渭禹貢錐指曰安國注禹貢山水地名  
並不言在何郡縣間有繫郡縣名者如太原今以爲  
郡名震澤吳南太湖名之類其他無注者尚多豈漢  
初圖籍不如班固所見之備耶至若菏澤在定陶而  
云在湖陵伊水出盧氏而云出陸渾澗水出新安而  
云出澠池橫尾山北去淮二百餘里而云淮水經陪  
尾江水南去衡山五六百里而云衡山江所經身爲  
博士具見圖籍者當如是乎又若穀城爲灑水所出  
魏始省穀城入河南縣而傳云灑出河南北山金城  
郡乃昭帝置而傳云積石山在金城西南孟津在河

陽之孟地東漢始移其名於河南而傳云在洛北明  
非西漢人手筆朱子謂安國尚書大序不類西漢文  
字良有以也

恒衛旣從大陸旣作疏衛水出常山靈壽縣東北入滹

沱○臣召南

按地理志原文入滹沱之上當有東字

言衛水出靈壽縣之東北其下流則東入滹沱也疏  
脫一字耳又按胡渭曰恒卽濇水衛卽滹沱古今異  
名也此說甚確言恒衛而燕趙諸水無勿該矣

夾右碣石入于河傳禹夾行此山之右而入河逆上疏  
爲遷都白所治也○林之奇曰九州之末皆載其達

帝都之道周希聖謂天子之都必求舟楫所可至使  
諸侯朝貢商賈貿易雖地甚遠而其輸甚易此說得  
之蓋冀州三面距河各州達帝都之道皆以河爲主  
達於河卽達於帝都也鄭曉曰碣石與島夷連書此  
卽島夷入貢之道也胡渭曰傳謂禹治一州水畢遂  
還都白所治非也禹欲白所治不必身入帝都卽使  
身入帝都亦何難於陸行而必循各州紆迴之水道  
以廢時失事哉至周氏言出而其義始定此實後人  
勝前人處

又疏冀之北上境界甚遙○臣召南按北上應作北

土各本俱誤唐虛

漢故舜分十二川

濟河惟兗州○鄭推

者以其地命州

焉知其南在

州濟河者萬代

臣召南

按鄭說其

言四至八到之

是也有天下之

是也

九河旣道傳平原以北疏徒駭在成平胡蘇在東光鬲  
津在鬲縣其餘不復知也○胡渭曰漢成平東光屬  
勃海鬲縣屬平原漢時言九河以爲不可考者平當  
謂九河今皆寘滅馮遂謂九河今旣滅難明王橫謂  
九河之地已爲海所漸是也然許商所言實有其地  
就三河推之其餘大槩可知豈真無遺迹耶而後世  
學者則又患其求之太詳也

雷夏旣澤疏在濟陰城陽縣西北○臣召南按城陽當

作成陽各本俱誤此成陽屬濟陰堯冢所在與城陽  
國近東海者不同



作十有三載乃同傳治水十三年乃有賦法與他州同  
○林之奇曰兖州之賦必待十三載乃同於他州非  
謂此州治水至十有三載而成功也果爾則其文不  
應在降丘宅土之下 臣召南 按作字卽大陸旣作雲  
土夢作乂之作謂農功也傳于前後二文一訓耕作  
一訓東作是也何以於此文不同林說甚當

浮于濟漯達于河疏漯水出東郡東武陽縣至樂安干

乘縣入海 ○ 臣召南 按疏引地理志當云東北至干

乘入海至字上脫二字又按樂安二字亦非原文干  
乘縣前漢爲干乘郡治後漢和帝時始改郡名樂安

也

海岱惟青州疏堯時青州當越海而有遼東也○胡渭曰疏亦未盡疑漢武所開樂浪元菟二郡皆古嶠夷之地在青州之域者嶠夷羲仲所宅朝鮮箕子所封不應在化外先儒但云有遼東非也

濰淄其道疏地理志云濰水出琅邪箕屋山○臣召南

按地理志琅邪郡箕縣禹貢濰水北至都昌入海過郡三行五百三十里不云出屋山也屋山二字見許慎說文水經注謂之濰山今在莒州東北是其據也又疏引志言淄水東北至于乘博昌入海漢志原文

作入沛蓋由濟入海也又按濰淄與上句嶠夷文不相屬傳疏應分節

萊夷作牧傳萊夷地名○顏師古曰萊山之夷也林之奇曰史記齊太公東就國萊夷來伐與之爭營丘左傳夾谷之會萊人欲以兵劫魯侯孔傳但謂地名非也

淮夷蠙珠暨魚傳淮夷二水疏知淮夷是二水之名淮卽四瀆之淮夷蓋小水後來竭涸不復有其處耳○胡渭曰淮夷見經傳非一處卽孔注費誓亦云淮浦之夷此獨以爲二水名不應前後相違及檢陸氏釋

文孔傳云淮水之夷本亦有作淮夷二水乃知二字傳寫之訛穎達不知而曲爲之說可笑也

浮于淮泗達于河音義河說文作荷○金履祥曰說文作荷今俗本誤作河耳荷澤與濟水相通而泗水上可通荷下可通淮徐州浮淮入泗自泗達荷也青州書達于濟則達河可知故徐州書達荷則達濟可知胡渭曰許慎時經猶作荷而史記漢書並作河蓋後人傳寫誤也

三江旣入震澤底定傳言三江已入致定爲震澤疏下傳云自彭蠡江分爲三入震澤○臣召南按三江之

說辨者紛如孔傳孔疏尤爲無理韋昭郭璞諸儒各  
以意測亦無確據若以禹貢證禹貢則導漾水云東  
爲北江入于海導江云東爲中江入于海是有明文  
彼傳云有北有中南可知可謂簡當何乃謂自彭蠡  
江分爲三入震澤乎蘇軾謂豫章江入彭蠡而東爲  
南江岷江爲中江漢爲北江以經解經確矣三江之  
與震澤一句自爲一義不必強連三江之入是入海  
非入震澤震澤之底定是源清流通自不泛溢非由  
三江已入致定爲震澤也李光地曰江水之合漢彭  
蠡已遠而猶曰三江者存其源也胡渭曰徐堅初學

記引康成書注以證三江曰左合漢爲北江右會彭蠡爲南江岷江居其中爲中江始知蘇氏所說東漢時固已有之矣

江漢朝宗于海疏宗尊也○監本訛尊宗也今改正

九江孔殷傳江于此州界分爲九道疏應劭注地理志云江自潯陽分爲九道符于孔說○胡渭曰舊說諸家皆謂在潯陽其以洞庭爲九江自宋胡旦始而晁以道曾彥和皆從之朱子作九江辨極言潯陽九江之誤

雲土夢作乂○胡渭曰漢書作雲夢土史記水經注作

雲土夢沈括筆談云石經倒土夢字唐太宗得古本  
尚書乃雲土夢作又詔從古本

包傳橘柚○胡渭曰孔傳截包字爲句而謂卽橘柚此  
不須多辨只以左傳包茅二字折之足矣又傳云菁  
以爲菹茅以縮酒按呂氏春秋言具區之菁則菁以  
揚產爲善未聞荊州味美也鄭康成注此經以菁茅  
爲一物符合左傳

伊洛瀍澗旣入于河傳伊出陸渾山洛出上洛山澗出  
沔池山瀍出河南北山○胡渭曰傳與漢志全異正  
義曲爲之說云志詳而傳畧所據小異耳按漢陸渾

盧氏本二縣熊耳山在盧氏縣西南五十里不與陸  
渾接界安得謂出陸渾山乎新安黽池亦本二縣澗  
水出新安穀水出黽池流同而源異乃云澗出沔池  
山是以穀源爲澗源也此不惟略也而且誤矣至於  
河南穀城亦本二縣魏始省穀城入河南乃云灋出  
河南北山是西漢時穀城山已爲河南地也豈西漢  
博士之所爲乎

臣召南

按錐指所論甚確儒家於地

理疎略猶自可言然未有鑿鑿注解而地名全誤者  
也身爲魯人於蒙羽嶧陽大野泗沂俱不能實指其  
地身爲西京博士於澧水終南惇物又不能確言所



在先儒疑孔傳出魏晉間人筆然哉

疏灑水出河南穀城縣潛亭北○漢志作穀成潛亭  
北

滎波既豬傳滎澤波水已成遏豬○閻若璩曰馬鄭王  
本波並作播伏生今文亦然惟魏晉間人始作波與  
漢書同余謂其書多出漢書者此又一證然安國解  
猶作一水非兩水以爲二水自顏師古始而宋蔡氏  
本之非也臣召南按史記作滎播鄭康成詩譜亦作  
滎播但此澤亦可單名下文溢爲滎是也

導荷澤被孟豬傳薄澤在胡陵孟豬澤名在荷東北○

臣召南

按漢志濟陰郡下曰禹貢菏澤在定陶東卽此菏澤蓋陶丘復出之濟所匯也至山陽郡胡陵則曰禹貢浮于淮泗通于河水在南此河水卽菏澤之支流許氏說文作菏者也傳不言菏澤在定陶而言在胡陵旣失所重又言孟豬在菏東北卽方位亦舛矣菏澤在北孟豬在南

岷嶓旣藝沱潛旣道疏地理志蜀郡有湔道○臣召南

按湔下脫氏字漢湔氏道今四川松潘衛也岷史記作汶漢書作嶓

又疏隴西郡西縣嶓冢山西漢水所出○臣召南按

此西漢水下流

陵江水實非禹

水也自班志誤

名反不彰此則

漆沮既從傳漆

沮之洛水也

臣召去

洛水出馮翊北

漆沮名同而實

異方雍州川曰

涇

縣洛水出北蠻

洛又左馮翊襄德縣洛水東南入渭雍州窳詩曰瞻  
彼洛矣維水泱泱毛傳曰洛宗周孔疏曰宗周鎬京  
也禹貢漆沮旣從孔安國云漆沮一名洛水洛水則  
漆沮是也與東都伊洛別矣穎達於彼疏甚明於此  
疏猶以扶風漆水當之何其謬哉

織皮崑崙析支渠搜西戎卽叙傳有此四國疏四國崑  
崙也析支也渠也搜也○顏師古曰崑崙析支渠搜  
三國名也胡渭曰三國西戎之大者皆來入貢則餘  
無不賓服故曰西戎卽叙傳疏作四國非是

導岍及岐○李光地曰此上以九州爲經山水爲緯此

下以山水爲經州域爲緯

底柱析城至于王屋疏地理志云析城在河東濩澤縣

西○臣浩按漢志原文西字下有南字疏脫耳

西傾朱圉烏鼠疏地理志云西傾在隴西臨洮縣西南

○臣浩按志於西字絕句其下云南部都尉治疏誤截南字爲句非也

熊耳外方桐柏至于陪尾傳淮出桐柏經陪尾疏橫尾

山在江夏安陸縣東北古文以爲陪尾山○朱鶴齡

曰凡言至於以相去之遠也觀經文導淮自桐栢東會于泗沂則爲徐州之陪尾明矣閻若璩曰周禮保

章氏疏外方熊耳以至泗水陪尾屬瑤星賈公彥實  
從春秋緯文來博物志謂泗出陪尾固有所受之也  
胡渭曰安陸縣北橫山漢志所稱陪尾者淮水曷嘗  
經此傳誤矣隋志泗水縣有陪尾山臣召南按漢志  
誤以安陸橫尾爲禹貢陪尾疏引其文以証孔傳獨  
不思果在安陸是荊州山傳不得云四山相連東南  
在豫州界也又不得云淮出桐栢經陪尾也以陪尾  
爲淮所經其誤與衡山江所經正同

至于敷淺原傳一名博陽山○據漢志應作博陽山

南至于華陰傳至華山北而東行○而監本訛至今改

正

北過降水疏地理志云降水在信都縣按班固漢書以襄國爲信都○胡渭曰疏說非是襄國今邢臺絕無  
涪源臣召南按漢志上黨屯留縣桑欽言絳水出西南東入海卽此文降水其水流入濁漳故先儒謂漳水卽涪水也漢志又於信都國信都云故章河故虜沱河皆在北東入海禹貢絳水亦入海此則漢志已誤而孔疏本之

錫土姓疏此事是用賢大者故舉以爲言○林之奇曰錫土姓者於是始可以疆理天下而治也如契封於

商錫姓子氏稷封於郃錫姓姬氏亦必在此時胡渭曰有土則有氏而錫姓爲難錫土姓謂始封之君有德者也

五百里侯服傳侯侯也斥侯而服事○蘇軾曰此五百里始有諸侯故曰侯服

臣召南

按上五百里卽畿內

此五百里以下皆建侯蘇氏之說較孔傳尤直截矣又按禹貢五百里俱專就一面計之故五百里甸服卽邦畿千里也

朔南暨聲敎○胡渭曰裴駟史記集解其注在暨字下則自劉宋時已不從孔傳而以聲敎屬下句讀矣



訖于四海○顧炎武曰禹貢之言海有二東漸于海實  
言之海也聲敎訖于四海槩言之海也